


# BUFWIKIGWE <sup>1</sup>

 . . . une ngwipilika kanunu ukupilika ikyo, ikyo kyo kinunu. Mulimosa, ikyene kyo akabalilo kosa, bo mumo njobile pabutasi, “Une nāli nsangalufu akabalilo kako abene bayobile kwa une, ‘Unko uswe tubuke mu nyumba ya Ntwa.’” Une ngusubila Davidi atendike ubuyobelo bula akabalilo kamo, “Unko uswe tubuke mu nyumba ya Ntwa.” Une ngamanya ubuyo ubununupo bulibosa ukuyako, bule umwe, ukukinda mu nyumba ya Ntwa.

<sup>2</sup> Lilino, ikilo iki, uswe tuli nabo bamo abinitu apa aba bo bali injila yosa ukufuma Georgia. Abene lumo bisakwendesyaga ukusuluka ukufuma—ukufuma fyakulya fyapamusi ikilo iki. Kangi polelo uswe twisaku. . . Bamo mwa bene ukufuma kubutali ukusuluka, une ngusubila umwe mukugonelaga. Kangi ifyumba filifyosa uswe tuli nafwe figwike kwa umwe.

<sup>3</sup> Kangi polelo pa Kitatu nkilo uswe twisakukindilila nkyeni, pa lufundo, kangi polelo, u Ntwa iganege, pa Ndungu ugu gukwisa kangi.

<sup>4</sup> Kangi polelo Chautauqua ikwanda pa lya lyakihano-na-limolyene. Popapo mwesa mwe mupangenie indusyo syinu isyakusokapo, uswe tukugulila akakulumba, akabalilo akanunu ku Chautauqua. Kula ko kuko uswe akabalilo kosa tukuya na kabalilo akanyafu fiyo. Komma ifilundilo ifinywamu fiyo mma, uswe tukwendesya utubalilo tumo. . . Iyene yibagile ukwingisya mpaka pa kifuki. . . Une ngusakikisya uswe twabagile ukubika amaelifu kalongo mu yene, nubupepe. Loli, bwila, nkyinja une ngwinogona uswe twali nabo ukusyungutila kifuki maelifu mahano-na-mabili, ikindukimo bo ikyo. Kyaliswile kisita buyo, loli yilipo ifwasi nyingi iyakwimilila. Kangi ifikota ifi abene bamalisyse mosa. Kangi popapo uswe tukugulila ku ikyo.

<sup>5</sup> Kangi nsangalwike ukuketa bingi ba bakundwe ababombi bitu nkati. Une ngabagila ukwinogona isya ngamu yake apa, ugwa misyoni, Nkundwe Humes na Kalumbu Humes, ngimba yo ugwe gwitugesye papapa apa, na banini bamo, uswe tusangalwike ukuya nabo abene, ugwamisyoni. Abangi bala, Nkundwe Pat, Nkundwe Daulton, kangi, o, itolo bingi fiyo, Nkundwe Beeler. Kangi numbwene Nkundwe Collins itolo utubalilo tunini utu tukindilepo. Kangi, o, ikyene kikuyaga kikafupo ukubakolela abene bosa. Loli uswe tuli basangaluke fiyo ukuya na umwe mu nyumba ya Ntwa ikilo iki. Uyu unkulumba umpala Nkundwe Neville itugesye kunyuma kwa une apa ukwiputa na une akabalilo kako uswe tukubuka ukumanyisya i Lisyu. Charlie, nsangalwike ukukubona ugwe kangi Kalumbu Nellie apa ikilo iki, abanini bala. Iki kyo. . .

kangi ukumanyisya kwa i Bāngéli ko bwila fiyo...Ena, Nkundwe Welch, une itolo...nakulondesyaga ugwe, une ngubwene ugwe gwitugesye kunyuma kula lilino.

<sup>6</sup> Ukumanyisya kwa i Bāngéli ko bwila panini kupalapala, panini, umwe mumenye, kufwene nu kwenda panja pa matalala amasekele, uswe tukukikolela ikyene. Loli uswe itolo tukwipilika ukuti lumo, pa buyo ubu kangi pa kabalilo aka, ikyene kibagile ukuya kinunu mu luko lwa kutwala i—i kipanga ku iki une ngwinogona, ku u—u bosa ubupilikisyo, mbuyo-bwake, ifya ifi uswe tuli mwa Kristi Yeso. Kangi utubalilo tumo une ngwinogona ukuti ukulumbilila kyo kindu ikinunu, loli une ngwitika utubalilo tumo, Nkundwe Beeler, ukuti ukumanyisya kukubuka ukukinda ikyo, ukwene ndukolumo...fiyofiyo ku kipanga.

Lilino, ukulumbilila bwila kukukola untulwanongwa, kukuntwala umwene pasi pa butobesigwe ni Lisyu. Loli ukumanyisya kukubika u mundu mwapabuyo iki umwene ali. Kangi uswe tukabagilamo siku nukutalusya ukubagila ukuya nu lwitiko mpaka mbuyo-bwitu uswe tukumanya iki uswe tuli.

<sup>7</sup> Lilino, linga u United States, ugwa kisu ikinunu kuno, alindumile une ukukilania ku Russia, ukuya mwimilili gwa kisu iki, ku Russia, polelo linga abene mbubombelambombo balindumile une ku Russia, gosa a maka aga United States ali nago gali kunyuma ya une. I lisyu lyangu lyo itolo lyakufwana bo lya United States linga une nitikisigwe ukuya mwimilili.

<sup>8</sup> Kangi polelo linga Kyala atutumile uswe ukuya bimilili Bake, gosa a maka aga gali ku Mwanya, fyosa ifi Kyala ali, bosa ba Bāndumi Bake kangi gosa ga maka Gake gikwima kunyuma ga masyu gitu linga uswe nubutalusyi yoswe basayigwa, tutumigwe bakutumigwa ku bandu. Kyala ikufimbilisigwa ukugindika i Lisyu, namanga Umwene nubusisya asimbile, ukuti, “Kilikyosa umwe mukupinya pa kisu, kila nisa Une ukupinya ku Mwanya. Kilikyosa umwe mukwabula pa kisu, kila nisa Une ukwabula ku Mwanya. Kangi Une ngukupu ugwe ifungulilo ku Kitangalala.” O, ifingo ingulumba bo isyo Umwene apele ku kipanga!

<sup>9</sup> Kangi une ne, ukufuma pisiku lila...Bingi ba umwe, une ngusakikisya, mwāli apa ulubunju ulu ukupilika bo une ngugela, mu yangu yakwiyisya, injila imbepe, ukulingania i—i mboniboni iyi une nayibwene isya ku Mwanya.

<sup>10</sup> Une angali mu njila yiliyosa ngugelamo siku ukwilamwa kalikosa aka aligwesa ambulilemo siku ukuti Kyala ababulile abene. Une angali ngwitika ikyene napapo linga une ngakibwene ikyene mu Lisimbo, une pope angali ngulonda ukwitika lila ilisyu lya nkundwe. Une—une lumo itolo ngusyalaga mulamula ni Bāngeli, loli pope une angali ngwitika ukuti lumo unkundwe itolo akapilikisye-kanunu ikyene injila yimo, ukuti umwene

lumo ali nakyo itolo ikyene kifuluganikene panini. Kangi pope une ngwitika umwene—umwene ukuya nkundwe gwangu.

<sup>11</sup> Kangi linga kalipo kalikosa aka kakupya nkati mu ndumbula yangu, kangi une ngusubila ikyene kitisakundekamo siku mu fyinja fyangu ifi fikwisa, kila une ndisakwibwamo siku iki kyabonike pa Ndungu ugu gukindile, ukuya ndungu gumo. Ikyene kibombile ikindukimo kwa une iki kyandwile ubumi bwangu. Une—une ndikutila. Une—une ngaya nalo nulutende nalumolwene ulwa bufwe. Ubufwe butikuya nulutende na panandi. Kangi ubwene—ubwene butikubombela kwa umwe linga umwe itolo mwapilikisye. Lilino, lumo linga... Umwe angali mukufimbilisigwa ukuya nu bwendelemo ukumanya ikyene, panongwa yakuti yikayapo injila nayimo ukulingania ikyene. Ugwe ukabagila ukugaga amasyu, panongwa yakuti ikyene kikayamo mu dikisionale ya Kingereza, pamo mu dikisionale nayimo iyingi, panongwa yakuti ikyene kyo mwa Syēpwa; nayumo u mmayolo, nayumo kilabo, ikyene kyo yo buyobelo bwa lino. Kangi ikyene kikaya, “Une ngwipilika kanunu fiyo,” kangi isala yimo ukufuma lino, “Une ndikwipilika kanunu fiyo mma,” kangi isala iyingi, “ngwipilika kanunu kangi.” Ikyene kyo buyobelo bwa lino akabalilo kosa. Muketile? Nasiku ukulekamo, itolo lula ulutengano ulwalwimiko, ikindukimo.

<sup>12</sup> Kangi pakabagila ukuyapo nabumo ubutulwanongwa, kukabagile ukuyako akabini nakamo, kukabagile ukuyako ububine nabumo, kula—kula kukabagile ukuya nakimo ikyakufikamo siku ku kiloboko kya ku Mwanya. Kangi linga une mbagile ukuya nu lusako lwa kuyoba iki, iki, lumo une ndikubombaga. Linga une ndikubomba, polelo une ngwiputa Kyala answege une. Loli linga une ndi nu lusako, kangi ikyene kyāli ukuti Kyala alinyitikisye ukunyakiligwa mmwanya ukuketa ikindukimo, une angali nguyobelaga isya ku Mianya yakwanda. Kangi polelo une ngwitika, yumo mu i Bāngeli, ni ngamu, une ngusubila umwene āli Pauli, uyu anyakiligwe mmwanya Mmianya gyabutatu. Kangi linga ikyene kyāli kyalwimiko bo ulu Mianya gyakwanda, ngimba fyo fiki i Mianya gyabutatu gikukolelela? Fyobene umwene alinkutoligwa ukuyoba isya ikyene ku fyinja kalongo-na-fina! Umwene alinkuyoba umwene akāménye kali umwene āli nkati mu mbili pamo panja pa mbili. Na yula untumigwa unkulumba, kisita kuyabana ubwake—ubwake—ubwake ububombelambombo, pamo kisita ukugela ukwipela twibene ukuya kalikosa mumo umwene ayilile, loli Une mbagile ukuyoba nu mwene, une ngamanya kali une nāli mu mbili ugu pamo panja pa mbili. Ikindu kyene, ikyene kyaali itolo bo kyanaloli bo mumo une ngubaketela umwe.

<sup>13</sup> Kangi une akabalilo kosa nswigile isyakuti linga une ngukisania kangi une nabagile ukuketa akabingu akanini

kakwelela kifuki, i mbepo yimo, nukuyoba, “Pala ikubuka nkundwe na kalumbu, yula yo Charlie na Nellie. Yula yo Nkundwe na Kalumbu Spencer ikubuka pala.” Ikyo akabalilo kosa kyanyanganiaga une. Linga amaso gangu gali mu lipumba, gikukonangika, gikubola, linga imbulukutu syangu sikaya apa ukupilika kangu mma, kangu linga ililopa lyangu lyosa ligomokile nyuma kangu abene bagūmike ugwene, kangu ugwene guli mmisi pamo mu mfu, kangu ifyumba fya minogonelo gangu, imbakasya sya bongo bwangu syosa sibukile, polelo une angali nguyaga bulebule une kalikosa ukukinda itolo i mbepo yikwelela ukusyungutila? Kangu ikyo kyandilisyaga une. Une ngwiganaga bulebule ukuyoba, “Mwabomba, Nkundwe Pat, o, fiyo nsangulwike ukukubona ugwe! Mubobile, Nkundwe Neville, mumo une ngulondela ukukubona ugwe!” Loli une ninogonaga, “Mulimosa, linga une ngaya nakyō kilikyosa ikyakuketela, undomo guligosa ugwakuyobela, ugwene gubolile, ugwene go lufumbi, ngimba angala bulebule une ngubagila ukuyoba, ‘Mubobile, Nkundwe Pat,’ ‘Mubobile, Nkundwe Neville,’ pamo na ifyo bo ifyo, ‘Mwabomba, Charlie?’”

<sup>14</sup> Loli lilino une mmenye ukuti kila kyo kisobi. Namanga ikylene kisimbige m’Masimbo, iki une nguyoba ikylene kikaya kisita kutatikana, “Namanga linga iki ikitembe kyamfu kisungulwike, uswe tuli nakyō kimo kitalile kikugūlila,” ikitembe ikingi iki kili na maso, mbulukutu, imilomo, ifyumba fyakwinogonela. “Linga iki ikyamfu ikitembe kikusunguluka!” Ikyene kili nu mbili ugu une mbagile ukwipilika, mbagile ukuyoba.

<sup>15</sup> Kangu lilino ikylene kikwisa kwa une, itolo lilino, ukuti Mōse āli mfwano kangu nkati mu lipumba ilisita kusimbige wapo ku fyinga bamia lwele, kangu Elisha ābukile ku Mwanya ifyinga bamia bahano iyolopu, loli pa Kyamba Lwanduke abene balyagigwe bikuyoba na Yeso.

<sup>16</sup> Ukufuma Samueli afumile pakuya mfwano ku fyinga panandipo fitatu pamo fihano, kangu undosi gwa ku Endor alinkukolela umwene pala, kangu umwene alinkugwa pa kisyo kyake, kangu umwene alinkuti, “Ugwe unsyobile une, panongwa yakuti ugwe gwe Sauli, gwimwene.” Umwene alinkuti, “Panongwa yakuti une nguketa abakyala!” Umwene aali mwiputafifwani, umwe muketile. “Une nguketa abakyala bikufyuka mmwanya.”

<sup>17</sup> Kangu Sauli akabagile ukumbona umwene mpaka nalino, kangu umwene alinkuti, “Ngimba umwene ikuboneka bulebule? Ndingania umwene kwa une.”

Alinkuti, “Umwene nsekele, kangu umwene ali ni kilundo pa kibega kyake.”

<sup>18</sup> Alinkuti, “Uyo yo Samueli, unsololi, ntwala umwene apa pankyeni pa une.” Kangu une ngulonda umwe ukuketesya

ukuti Samueli akatagile na bulibosa ubundu bwake. Umwene akāli āli nsololi. Umwene alimbulile Sauli katikati iki kyayaga ukuboneka ilisiku ilikonge.

<sup>19</sup> Popāpo, umwe muketile, ubufwe butikumasya losa uswe bo uswe tukulila nukukūta nukwilumbusya ku lipūmba. Ubwene bo itolo bukwandula ubuyo bwitu bwakwitugala. Ubwene bukutwega uswe ukufuma ku buyo ukubuka ku... Ngimba ubukusi fyo fiki? Linga une ngwitugala isala yimoyene iyakongelelapo, une ngutolaga-ukwitugala ba bingi abandu bafyinja-kalongo-na-ntāndatu mbukusi, une ngutolaga ba bingi bandu bafyinja-fihano-mbukusi. Ubukusi bo nakimo. Uswe twe itolo tubikigwe apa panongwa, ukubomba ikindukimo.

<sup>20</sup> Mulimosa, lilino, bingi ba aba abanini abamogi-fisyo abamama bitugesye apa, bamo mwa bene malongo-ntāndatu pamo malongo-mahano-na-fibili mfyinja mbukusi, babagile ukuyoba, “Mulimosa, ngimba une mbombile fiki, Nkundwe Branham?” Umwe mukusisye abana binu. Umwe mubombile iki umwe mwabagile ukubomba.

<sup>21</sup> Lumo yumo unkangale utata itugesye apa, ikuyoba, “Mulimosa, une ndimile ifisu, une mbombile *iki*. Une ngalumbililamo siku.” Loli ugwe gwabombile itolo iki Kyala akutumile ukuti ugwe ubombe. Bulipo ubuyo kuli ugwe.

<sup>22</sup> Nguyoba ku nganga unkangale, mmayolo, yumo mwa baganga binangu, abinangu, ifyinja malongo-lwele ikindukimo mbukusi. Kangi undamu-gwake-unkikulu ali apa ku kipanga ikilo iki, kangi umwene yo afumile itolo panini, panini panandi ukwilumbusya isya umwene. Kangi une nabukile ukwakumbona umwene. Kangi nakalinga itolo bo une ngwanda ukuyoba ku mwene, umwene alinkwelukako, alinkumbula une isya bwendo bwakufwima umwene abukileko ifyinja fingi ifi fikindilepo mmwanya mu Colorado, i kisu kilakila une ngufwimako. Itolo gwakusekelela kangi gwakweluka! Kangi une ndinkuti, “Nganga, ngimba fyinja filinga ugwe gwabombaga imbombo iyi?”

<sup>23</sup> Umwene alinkuti, “Akabalilo kako ugwe gongag’amabele.” Kangi kubutali pāsi une ndinkuti... “Kangi utubalilo twingi,” umwene alinkuti, “Une mbombile, ukwega igileta lyangu, une ngubika i ifikwamba fya sadulo pa falasi yangu. Une nalyegile akōla ka mmaboko akanini kangi une nendile pasi.”

<sup>24</sup> Kangi une ndinkuti, “Ena, ukusuluka mula mfiloboko fya kisoko, isala yakibili ndubunju, nu lumuli lwako, ukugela ukuyaga inyumba kuko unnini umwana āli nu kubaba munda pamo u mama āli mu bubabe bwakupāpa.”

“Uko ko kotalusya.”

<sup>25</sup> Kangi une ndinkuti, “Ugwe umwenye, nganga, une ngusubila, ukukilania ulukindi lwakupagulania ulu, pakati

pa kyakufwa kangi kisitakufwa, Kyala ali nabo ubuyo bwa baganga abaiyolo abanunu aba babombile bo lula.”

<sup>26</sup> Amasosi amanywamu galinkwisa mmaso gake kangi umwene alinkwanda ukulila, umwene alinkufikila pala na maboko gake amonywa kangi alinkuti, “Nkundwe, une ngusubila lulo.” Ukukilania i kisu, Kyala ikulonga umoyo gwa mundu, iki umwene ali.

<sup>27</sup> Polelo une ndinkumpa ili i Lisimbo lyakwikutisya. Utubalilo twingi, ukutipula ukukinda fila ifyangisi ifyandipa ifisu pa kilo, ukugela ukuntula umunduyumo, lumo nasiku ukwegapo isumuni pa kyene, loli ikyene kyo kyosa kanunu. Une ndinkuti, “Yeso ayobile mu Lisimbo, ‘Basayigwa aba bakisa, namanga abene bisakukaba ikisa.’” Kangi ikyo kyo kyabwanaloli.

<sup>28</sup> Kangi ikilo iki uswe tukulonda ukubika ikipanga, mu fimanyisyo fitatu, linga Kyala ikwikutisya, bulebule kangi kiliku ikyakuketako, iki uswe tuli. Uswe tukuyaga pakwanda ku ntu gwa 1 gwa Buku gwa Pauli ukalata ku Efesi. Kangi uswe tukuyaga pakwega imitu igyakwanda mitatu mu bwitu ubutatu ubukonge ubufunde, ukugela ukwega untu gumo pa mayolo, linga uswe tubagile. Ikilo iki, Kitatu, kangi pa Ndungu ugu gukwisa kulubunju. Baefesi, untu gwa 1. Lilino bo uswe tukufunda palikimo, une ngulonda ukuyoba iki, ukuti ili i Buku lya Baefesi nupelelesye likwendela palikimo ni lya Lwitikano Ulukulu ilya Yoshua. Baefesi, i Buku gwa Baefesi.

<sup>29</sup> Lilino, kumbukukila, linga uswe tukwagigwa ukwegapo itolo akanandi ukusokapo, ku bumanyisigwe bwinu, itolo tuhobokelaga uswe kangi ikasyaga na uswe pa kabalilo. Bo uswe tukāli ukwigula ilyene, unko uswe tusume Umwene ukututula uswe, bo uswe tukwinamisya imitu gyitu.

<sup>30</sup> Ntwa, uswe tukusegelela i Lyako ilikemo kangi ilisisya i Lisimbo, ili Ilyene lyo lyakuponesya ukukinda gyosa imianya na pasi. Kabuno uswe ukubala mu Lisyu, ilikoleligwa i Bangeli, ukuti “Kumwanya na pasi fisakumalikaga, loli i Lisyu Lyangu litisakutoligwamo siku.” Polelo, pa sala yakugindikigwa iyi apa une ngwisa ku kigemo iki ikilo iki, pankenyi pa bugule bwa Lilopa Lyako, aba abapala abaganigwa abakufwa aba bikwitugasya apa ikilo iki, ukukolelela kuli kalikosa akanini akasubilo aka abene babagile, ukukolelela panongwa ya Lumuli lula ulu luliti lukwisaga. Ulwene luliyaga lwakwikutisya, ikilo iki, ukuti umwitiki aligwesa apa isakububona ubuyo bwake, kangi aligwesa uyu akāli ukwisamo mu ubu ubukulumba ubulilansi, isakugutilaga i Kitangalala, Ntwa, kangi nukukung’usya pa kifigo mpaka u Nkyungi ikwigulaga ikifigo. Paga ikyene, Ntwa.

<sup>31</sup> Uswe tukubala ikyene nkati muno kuko ili i Bāngéli likaya lya kulinganisigwa kwakubutitu mma. Kyala, pīkaga ukuti une ne mbombi Gwako pamo aligwesa uyungi umbombi

babagile ukugela ukubikapo ubwabo bene ubulinganio ku Lisyu. Unko uswe itolo tubale Ilyene nu kwitika Ilyene, mūmo Ilyene lisimbigwe. Kangi fiyofiyo uswe twe batimi pa mitimo, uswe batimi aba ilisiku limo twisakubungana kwisilya mu kila ikyalwimiko i Kisu ni mitimo iminini, kangi uswe twisakwima mu Kuyapo kwa Ntwa Yeso kangi twisakuketa ingulilo yila yikwisapo, iya Pauli, kangi iya Peteri, kangi iya Luka, kangi Mariko, kangi Matai, na bosa bene, nukubabona abene bikulongigwa kula ni fibugutula fyabo. Kyala, pāga ukuti une mbagile ukulambalika ifyabuponjoli amaelifu-elifu kalongo pa malundi Gako akabalilo kako une nulwiyisyo ngwafula losa ukwisa nukwala amaboko gangu pa Gako amalundi amapala, nukuyoba, “Ntwa, abene bo Bako.”

<sup>32</sup> O Kyala, twisusyaga uswe nubupupwe na Mbepo Gwako, kangi nu lugano Lwako kangi nu bununu Bwako. Kangi uswe tukulamba, bo yula umwaati ayobile mu lwimbo ifyinja fingi ifi fikindilepo, “Mpala gwakufwa Kang’osi, Lyako ilipala i Liliopa litisakutagamo siku amaka gake, mpaka kyosa ikitabuligwe i Kipanga kya Kyala kiyeye kikupokigwa ukutulwanongwa kangi mma. Kangi ukufuma pala, nu lwitiko, une nabubwene ubusululuke bula ifilonda Fyako ifisululuke fikupa; lwakutabula ulugano luyile kyakuketelapo kyangu, kangi kisakuyaga mpaka une ngufwa. Polelo mu lwapamwanyapo, ulunyafupo ulwimbo,” umwene ikukindilila ukuyoba, “Une nisakwimba a Gako amaka ukupoka; akabalilo kako ulu ulupelakisa ulwakitabu, ululimi lwakutabilila lulambalele kimyemye mu lipumba.” Polelo, ilipūmba litikukola nu bufwe nabumo ku bana Bako. Ubwene bo itolo buyo bwakutusyilamo, pamo ubuyo bwakwibililamo, kūko ububole ubu bwisakufwala ubusitabubole.

<sup>33</sup> Uswe tuliketaga iki, Ntwa, pabwelu, bo mūmo ikylene kipepigwe kwa uswe mu Lisyu. Tupaga uswe ubupilikisyo. Kangi tubikaga uswe mbuyo, Ntwa, pa bubombelo bwitu bwambombo, ukuti uswe tubagile ukubomba nubusubiligwa mpaka Ugwe kwisa. Uswe tukusuma iki mu Ngamu ya Yeso, kangi panongwa Yake. Ameni.

<sup>34</sup> Lilino, i Buku lya Baefesi, bo mumo une nayobelaga itolo, Une . . . pa bwinogonelo bwangu, lyo limo mwa Mabuku amakulumba ukukinda aga Lwitikano Ulupya. Ikyene kikuleka uswe, pāpo i kiKalvinisti kikubopela panja pa lusamba lumo, kangi i kiArminianisti kikubopela panja pa lusamba ulungi, loli u Buku gwa Baefesi ikukwabila ikylene palikimo kangi pamwenepamwene likubika pa buyo i Kipanga.

<sup>35</sup> Lilino, une negelile ikylene na Yoshua. Linga umwe mukuketesya, Israeli atwaligwe ukufuma mu Igupti, kangi bulipo ubufyukilo butatu bwa bwendo bwabo. Ubufyukilo bwakwanda, bwāli ukusōkamo mu Igupti. Ubufyukilo

bwakukonga, bwali lulangalanga. Kangi ubufyukilo ubwakukonga, bwāli Kenani.

<sup>36</sup> Lilino, Kenani atikwimilila i ngulilo ya Fyinj’elifu. Umwene itolo ikwimilila i ngulilo ya mponjoli, akabalilo ka kuponjola, panongwa yakuti mu Kenani abene bagogaga kangi bokyaga kangi begaga utwaya. Kangi kula kutisakuyako ubufwe mu Fyinj’elifu.

<sup>37</sup> Loli ikindu ikingi iki ikyene kikubomba, ikyene kikutwala pala ubwitikisigwe ukwisila mu lwitiko, ukufuma kukwitika mwa Mōse nukusōkāmo mu Igupti. Ubukemesigwe, ukukonga pasi pa Mbanda ya Moto kangi uluhombeligwe lwa kang’osi gwalukemesigwa mu lulangalanga. Kangi polelo ukwingila nkisu iki kyatalile kyafingigwe.

<sup>38</sup> Lilino, ngimba ikisu ikifingigwe kyo fiki ku mwitiki gwa Lwitikano Ulupya? U lufingo yo Mbepo Mwikemo. “Namanga ikyene kisakwisa ukuyako mmasiku gabumalikisyo,” Yoeli 2:28, “ukuti Une nisakonelela panja u Mbepo Gwangu pa nyofu guligosa. Abinu abanabalumiana na banabalindwana bisakusolola. Kangi pa batuli-balindwana Bangu na babombi-bakikulu Bangu nisa une ukonelela panja u Mbepo Gwangu, kangi abene bisakusolola. Une nisakunāngisya ifiswigo mmianya kumwanya. Kangi nkisu, imbanda sya moto, ni lyosi, ni myuyi.” Kangi Peteri alinkuyoba, pa Lisiku Iya Pentekosti, bo afumile pakwega ubusimbe bwake nukulumbilila, “Pinduka, aligwesa gwa umwe, kangi osigwaga mu Ngamu ya Yeso Kristi kubuswe,” ukuswa, ukuhobokela, ukusōsyāpo syosa ukugomosa ingilano.

<sup>39</sup> Ngimba umwe muketesisye, Yoshua, bo bakāli abene ukukilania Yorodani, Yoshua alinkuyoba, “Buka ukukinda nkati mwa bugonelo kangi suka imyenda gyinu kangi kemesya aligwesa gwa umwe, kangi unko nayumo unnyambala isege ku nkasi gwake, namanga nkati mwa masiku matatu umwe mwisakuketa ulwimiko lwa Kyala.” Muketile? Iyene yo—iyene yo ngongano iya kwitendekesya ukwingil’ikilingo ulufingo. Lilino, ulufingo kwa Israeli, lwaali, Kyala apele Abrahamu ulufingo lwa kisu, ulwa Palestina, kyangi ikyene kyabagile ukuya kyakukaba kyabo. Kangi abene babagile akabalilo kosa ukusyala nkisi iki.

<sup>40</sup> Lilino, abene balisile mbufyukilo mutatu, ukwisa ku kisu ikifingigwe iki. Lilino ketesya, ikyene kyo nubupelelesye kyalyegeleligwe mu Lwitikano Ulupya.

<sup>41</sup> Lilino iki, bo mumo une njobile, kikukanikana na bumo mwa bwinogonelo bwa bwinu. Mwe bamo ba umwe bandu ba Nazarene, Kipanga kya Kyala, na fyosa bo ifyo, komma ukwitikisya ikyene kibafulasyege, loli itolo ketesya ikyene kifuki kangi ketesye ifyakwegelela. Ketesya kangi keta linga bulibosa ubuyo butikutika itolo nupelelesye.



42 Bwalipo ubufyukilo butatu bwa bwendelo, kangi bulipo ubufyukilo butatu bwa bwendelo ubu. Namanga, uswe tukwitikisigwa nu lwitiko, ukwitika pa Ntwa Yeso Kristi, ukusuula ikisu kya Igupti, tusökile panja. Kangi polelo tuli bakukemesigwa ukwisila mu kyabupi kya Lilopa Lyake, tusukígwe ukufuma ku mbibi syitu, nukwisa ukuya bagoneli kangi bendanjila, tukwiyobela ukuti uswe tukulõndesya ikisu, akaya aka kakwisa, pamo u lufingo.

43 Momumo ābombile Israeli mu lulangalanga, bendanjila, kisita buyo ukutunya, ukwenda pakilo ukufuma kilo, bikukõngesya i Mbanda ya Moto, loli kubumalikisyo bikwisa ku kisu ikifingigwe kuko abene balinkusengama pasi.

44 Apo po pāpo umwitiki ikwisa. Umwene ikwisa ikyakwanda ku bwiaganio ukuti umwene yo ntulwanongwa; polelo umwene ikupaguligwa na misi, ukusukigwa ukwa misi, ukwisila mu Lilopa, kangi . . . pamo ukusukigwa kwa misi ukwisila mu Lisyu, ndigi, ukwitika pa Ntwa Yeso Kristi. Polelo, ukuya mwitikisigwe ukwisila nu lwitiko, umwene ikwisa ukuya ndilani, kangi ulutengano na Kyala, ukwisila mwa Kristi, ukosigwa mu Ngamu ya Yeso Kristi, ukomola umwene nkati mu lwendo lula. Umwe mukupilikisya ikyene? Nkati mu lwendo! Polelo umwene ikwisa ukuya mwendanjila kangi mugoneli. Umwene ali pa lwendo lwake ku fiki? U lufingo ulu Kyala atendike.

45 Israeli akāli akalyambilile u lufingo, loli abene bāli ba lwendo lwabo. Kangi kisita kufyuka . . . Nalamba pilikisya. Apo po pāpo umwe, ba Nazarene na ba Pilgrim Holiness, na fyosa bo ifyo, mwāgwile. Panongwa yakuti, Israeli, akabalilo kako abene bikwisa pa buyo, bwa Kadesi-Barania, akabalilo kako abatendeli balinkubuka ukukilania kangi balinkuti, “Ikisu kila kyo kikulumba,” loli bamo mwa abene balinkugomokela kangi balinkuyoba, “Uswe tukabagila ukwega ikyene, panongwa yakuti utwaya tula tusingiligwe ni fibumba, na fyosa bo ifyo.” Loli Yoshua na Kalebu balinkwima ukwināngisya, kangi balinkuti, “Uswe tukindile pabubagila ukwega ikyene!” Panongwa ya bwabo ubutale ubusainile-mosa ubuyobelo ubusimbigwe, abene balinkwitika mu mbombo ibili sya lipyana, ubwitikisigwe kangi ubukemesigwe, kangi balinkutuligwa ukwendelela nkyenipo mulimosa. Kangi, pilikisya, ikilundilo kyosa kila kilinkupyutigwa mu lulangalanga. Loli babili aba bābukile kula mu kisu ikifingigwe kangi bātwele nukugomoka nu buketi ukuti ikyene kyali kisu ikinunu, “kangi uswe twali bakukindapo ukubagila ukwega ikyene, panongwa yakuti ulwene lwali lufingo lwa Kyala.” Polelo mbuyo bwa bandu ukukindilila nkyeni, ukwakwambilila u Mbepo Mwikemo, ukuyoba mu ndimi, ukwambilila a maka ga Kyala, ulõsyo lwa Mbepo Mwikemo, ifimanyilo, ifiswigo, ifika, abene balinkwipilika ukuti ikyene angali kikubongotola ulwiho lwabo

lwa kimanyisyo. Kangi fiki kyabonike ku kyene? Ukupyutigwa nkisu! Uko ko kutalusya.

<sup>46</sup> Loli a bitiki, ubufwikigwe bwa Kalebu na Yoshua, aba babukaga nkyeni ku lufingo, abene balinkwenda nkyeni ukukilania nkati mu kisu, kangi balinkwega ikisu, nukusengama pasi nkisu kila, ukuya kyakukaba. Kangi uswe tutikwimamo siku pa bwitikisigwe, ubukemesigwe. Unko uswe tukukindililege nkyeni ku lōsyo lwa Mbepo Mwikemo. Unko uswe tulingimaga pa kwitika pa Ntwa yeso, ukuya bōsigwe. Unko uswe tulingimaga panongwa yakuti Umwene ātusukile uswe mosa ukufuma ku butulwanongwa bwa bumi. Loli lilino uswe tukugutula nkyeni nkati mu buyo bumo, ku lufingo lwa Mbepo Mwikemo. Kabuno Peteri alinkuti, pa Lisiku lya Pentekosti, “Kabuno ulufingo luli kwa umwe, kangi ku bana binu, kangi ku bala aba bali kubutali, na babingi mumo u Ntwa Kyala gwitu isakubilikilaga.”

<sup>47</sup> Popāpo, Efesi apa ikutubika uswe ngati Yoshua, pabuyo. Umwe mukuketesya, Yoshua, ukufuma pakukilania kwisilya kwa kisu, nu kwega ikisu, polelo umwene alinkuyabania i kisu. “Efraimu *apa*, Manase *apa*, kangi uyu *apa*, Gad *apa*, Benjamini *apa*.” Umwene alinkuyabania i kisu.

<sup>48</sup> Kangi ketesya! O, iki itolo kikokya indumbula syitu! Aligwesa gwa ba mama bala ba kiHiburi, bikupāpa abana bala, umwene āyobile bu buyo bulabula, mu bubabe bwa kupāpa, kūko abene angali bikubikigwa nkisu ikifingigwe. O, ulwene lo lufundo ulukulumba! Linga uswe twabagile itolo ukubuka nkati mwa ulwene mbusolofu, iki angali kikwega isala ukufuma sala. Ilisiku limo akabalilo kako uswe tukutendekesya i kipanga, une ngulonda itolo ukwisa nu kwega umwesi pamo mibili, itolo ukusyala papapa mu lwene. Ketesya akabalilo kako abene, aligwesa gwa bala ba mama, akabalilo kako umwene ākolile panja, “Efraimu,” akabalilo kako umwene āli mbubabe bwa kupāpa, mbuyo-bwake alinkumbika umwene kūko amalundi gake galitugesye mu mafuta. Itolo katikati aligwesa yumo mwa bene kulikosa abene baliko!

<sup>49</sup> Kangi Yoshua, kisita kumanya iki, loli ukwisila mu kuputiligwa, alongosigwe na Mbepo Mwikemo, bo afikile mu kisu ikifingigwe, alinkumpa u nnyambala aligwesa ulufingo lwake, katikati iki u Mbepo Mwikemo afingile ukwisila u bupāpigwe kunyuma kula.

<sup>50</sup> Mumo fikuti Kyala abikile bamo nkipanga, ukwisila mu bubabe bwa bupāpigwe! O, ubwene bukufikapo ukuya bwapamwanya utubalilo tumo. Akabalilo kako ikipanga kikukoloma pasi pa bufwimigwe bwa kisu kyapanja, ukwitika pa Ntwa Yeso, ukuti u lufingo lwa Mbepo Mwikemo yo itolo gwabwanaloli kwa uswe bo mumo kwayilile ku Pentekosti, mumo abene bikukolomela nukulila pasi pa

bubabe bwa bupapigwe! Loli akabalilo kako abene bapāpigwe, kangi pabuyo-bwabo bapāpigwe nkati n’Kitangalala kya Kyala, polelo u Mbepo Mwikemo itugesye nkipanga, bamo batumigwa, basololi, bamo bamanyisi, bamo batimi, bamo basasianiongwa. Polelo Umwene yo ikupa nkati mula, ukuyoba ni ndimi, ukusanusya kwa ndimi, ubumanyi, amahala, ifikungilwa fya bubumbulusyo, uluko losa lwa fika.

<sup>51</sup> Kūko i kipanga kili...Lilino iyi yo nongwa yangu iyakubomba iki. I kipanga kyo akabalilo kosa kikugela ukwegwa inguto ya munduyumo uyungi. Loli komma ukubomba ikyo. Ugwe ukabagilamo siku ukukusya ifilombe mu nguto ya Efraimu, linga ugwe gwe Manase. Ugwe kufimbilisigwa ukwegwa ubuyo bwako mwa Kristi, nubuyo-bwako ukwegwa ubwene. O, ikyene kikufika ukuya kisolofu kangi kikabi akabalilo kako uswe tukufika nkati muno, mumo fikuti Kyala ikubika yumo nkipanga ukuyoba ni ndimi, uyungi... Lilino, uswe tumanyisigwe utubalilo twingi, “uswe twesa tukufimbilisigwa ukuyoba ni ndimi.” Uko ko kusoba. “Uswe twesa tukufimbilisigwa ukubomba ikyene.” Umma, uswe tutikubomba. Abene bosa bakabōmbile ikindu kimokyene. Aligwesa yumo āli...

<sup>52</sup> Aligwesa, i kisu kypēgigwe nukuyabanisigwa mosa ukwisila mu bupakigwe. Kangi, aligwesa pamwene, une mbagile ukwegwa a Masimbo kangi ukunāngisya ikyene kwa umwe katikati, ukuti ababīkile abene mu buyo kūko abene babagile ukuya, mbuyo-bwake, mumo fikuti fila fibili ifikolo fya sinda fyabagile ukwitugasya ukukilania ikisoko, mumo fikuti abamama bābo bākutīle ikyo mu bupapigwe bwabo, kangi mumo fikuti ubuyo bulibosa bwabagile ukuya.

<sup>53</sup> Kangi lilino bo ugwe uli nkati, ikyo kitikusanusya ukuti ugwe uli panja mmwabuke ukufuma ku bwite. Ugwe pōpe kufimbilisigwa ukulwila i inchi yiliyosa ya kisu ugwe kwimapo. Popāpo, muketile, Kenani akalimililemo ku Mwanya ukukulumba mma, panongwa yakuti agene gali mabwite kangi ndamyō kangi ukugoga nu kulwa, na fyosa bo ifyo. Loli ikyene kyalimilile iki, ukuti ikyene kibagile ukuya kwenda ukupelesye.

<sup>54</sup> Apo po pāpo i kipanga kikutoligwa umwisyugu, pa bwendo bula. Ngimba umwe mumenye ukuti kope na kakayilo kako kene kabagile ukusosyapo umunduyumo uyungi panja pa kuya bumbulusigwe? Akayilo kako, aka mbībi instakulātigwa isya umwe bitiki, sibagile ukupela ikipanga ukutoligwa nububabe. Kangi pa Lisiku lya Bulongi ugwe kwisakulalusigwaga panongwa ya kayabo kalikosa ka ikyene. “O,” ugwe kuyoba, “lilino, gulila panandi, Nkundwe Branham.” Mulimosa, ikyo kyo Bwanaloli. Inogona isya ikyene!

<sup>55</sup> Yoshua, bo umwene akilenie kwisilya ukwingila nkisu, Kyala

alimpele umwene u lufingo ukuti... Itolo inogona, ukulwa ulusasania losa kisita ukutaga u nnyambala, kisita nukuya napo pamo apakalusigwe, kisita ukuya nagwe nāsi, pamo imikota gwapakwandilo pamo ikibugutila. Amen. Kyala alinkuti, “Ikisu kyo kyako, buka kalwe.” Inogona, isya kulwa ulusasania, kangi akayako nayumo Red Cross ukusyungutila napanandi, akayapo nayumo ikufulasigwaga!

<sup>56</sup> Kangi abene balinkugoga aba Amori na ba Hititi, loli pakalipo nayumo afulasigwe pakati pa aligwesa gwa bene mpaka ubutulwanongwa bukwisa mbugonelo. Kangi akabalilo kako Akani ālyēgīle kila ikyakiBabeloni ikyakufwala kangi kila ikyagolidi ikisomekelo, nukukifisa ikyene pasi pa bugonelo bwake, polelo ilisiku ilikonge abene balinkutaga abanyambala kalongo-na-ntāndātu. Yoshua alinkuti, “Ima! Ima! Gulila i miniti, kilipo ikindukimo kisobi! Ikindukimo kyo kisobi apa. Uswe tukukolelaga amasiku mahano-na-mabili aga kupik’ifyalulya. Kyala āfingile uswe u lufingo, ‘Kutisakuyako nakimo ikyakutufulasya uswe.’ Abalugu bitu bisakugwa pa malundi gitu. Kangi kilipo ikinduki kisobi apa. Ikindukimo kibukile mbusobi pabuyobumo, ’nongwa yakuti uswe tuli na kalongo-na-ntāndātu abanyambala abafwano balambalele apa. Abene bo bakundwe ba kiIsreali, kangi abene bafwile.”

<sup>57</sup> Nongwa ya fiki abene bafwile, abanyamba basitanongwa? Panongwa ya nnyambala yumoywene āsokilepo pa lukindi. Umwe mukuketa inongwa iyi iki kikulondigwa ukumanyisigwa? Ikipanga ukugoloka pa likindi, ukugoloka pa lukindi ni Lisyu lya Kyala, ukugoloka pa lukindi na Kyala kangi ukugoloka pa lukindi na yumo nu nnine, ukwenda nubupelelesye mbugolofu, kisitabugale, pankyeni pa bosa bandu, ukuntila Kyala. Panongwa ya nnyambala yumoywene alibile ikyakufwala, kangi ābombile ikindukimo iki umwene akabagilile ukubomba, kyālyegile ulukindi lwa banyambala kalongo-na-ntāndātu! Une ngwinogona ikyene bāli kalongo-na-ntāndātu, lumo bingipo. Une ngusubila abene bāli banyambala kalongo-na-ntāndātu aba bafwile.

<sup>58</sup> Yosha alinkukōléla, alinkuti, “Kilipo ikindukimo kisobi! Kyala atendike ulufingo, kangi ikindukimo kyo kisobi.”

<sup>59</sup> Akabalilo kako uswe tukutwala ababine apa pankyene pa uswe, kangi abene bikutoligwa ukubumbulusigwa, uswe tukufumbwa ukukōléla ukupika-ifindu kwabwanaloli, kōlela ubwibungano. Ikindukimo kyo kisobi pabuyobumo. Kyala ātendike ulufingo, Kyala ikufimbilisigwa ukwibanilila ku lufingo lula, kangi Umwene isakubomba ikyene.

<sup>60</sup> Kangi umwene alinkukōléla ulupikafindu. Kangi abene balinkusyagania, abene balinkusopa ifyakulagusya. Kangi Akani alinkulāta ikyene. Kangi abene balinkungoga Akani, ikikola na fyosa, kangi balinkokya ilito lyabo, nukulileka

ilyene pala ukuya kikumbusyo. Kangi Yoshua alinkubuka mulamula nkyeni ukukinda mmabwite, ikwega kilikyosa, kisita ikikalasulo pamo ikilonda. Mwaketa umwe lelo.

<sup>61</sup> Iisiku limo umwene afumbilwe akabalilo kaninipo, akabalilo kakongelelapo. Iisuba lyabukaga pasi, abanyambala balinkutoligwa ukulwa kanunu fiyo pa kabalilo ka nkilo. Yoshua, u mulwa unkulumba yula, apakigwe na Kyala, mbuyo-bwake alinkubika nkisu kila, ngati Baefesi ku Kipanga ikipya, ukukaba, alinkukaba, ukukaba i kisu, ukupoka ikyene. Umwene afumbilwe akabalilo kamo, popāpo umwene alinkuti, “Lisuba, ima papapo!” Kangi umwene alinkwima kimyemye ku sala kifuki kalongo-na-ibili, mpaka umwene ālyēgile ikisu. Muketile?

<sup>62</sup> Lilino u Buku gwa Baefesi likutubika uswe pabuyo-bwake mwa Kristi, iki abene bāli mu Kisu Ikikemo. Uswe tutikubikigwa mma mu Kisu Ikikemo, loli mwa Mbepo Mwikemo! Lilino unko uswe tubale itolo i Lisyu, keta mumo kiyilile kipelelesye ikipanga:

*Pauli, u ntumigwa gwa Yeso Kristi ukwisila mu bwigane bwa Kyala, . . .*

<sup>63</sup> O, une nkiganile ikyo! Kyala alintendike umwene ntumigwa. Nabamo abakulumba balyalile amaboko pa mwene, nabamo abatimi baluntumile umwene kulikosa, loli Kyala alinkōlile umwene nukuntendeka umwene ntumigwa.

*Pauli, u ntumigwa gwa Yeso Kristi ukwisila mu bwigane bwa Kyala, ku bikemo (abakemesigwe bala) aba bali ku Efesi, kangi ku basubiligwa mwa Yeso Kristi:*

<sup>64</sup> Ketesya mumo umwene ikuponiela iki. Iki kikaya ku basitakwitika. Iki kyo ku kipanga. Ikyene kikukōleligwa ku bakoleligwa-panja bala, abakemesigwe kangi abakoleligwe bala aba bali mwa Kristi Yeso.

<sup>65</sup> Lilino, linga ugwe kulonda ukumanya mumo uswe tukwisila mwa Kristi Yeso, linga ugwe kusanukilaga ku Bakorinti Bakwanda 12, ilyene lyayobile, “Namanga ukwisila mwa Mbepo yumoywene uswe twesa tōsigwe nkati mu Mbili gumogwene.” Bulebule? Tosigwe na fiki? U Mbepo Mwikemo. Komma ukwisila mu lōsyo lwa misi, umwe bandu ba Kipanga kya Kristi, loli ukwisila yumoywene unywamu M-b-e-p-o, ukwisila mwa Mbepo yumoywene. Komma ukwisila ukuponania amaboko, ukwisila mwa kalata yumoywene, komma ukwisila ukunyafiligwa. Loli, “Ukwisila mwa Mbepo yumoywene uswe twesa tōsigwe nkati mu Mbili gumogwene,” ikyakukaba kyītu, i Kisu iki Kyala apele kwa uswe ukwitugalamo, u Mbepo Mwikemo. Itolo bo Umwene apele Kenani ku baJuda, Umwene apele uswe u Mbepo Mwikemo. “Ukwisila mwa Mbepo yumoywene uswe twesa tōsigwe nkati mu Mbili gumo.” Umwe mukupilikisya ikyene?

<sup>66</sup> Lilino, umwene yo ikuyoba ku Bakanani abamwambepo, Isreali, u Israeli gwamwambepo uyu akabile i kisu. O, ngimba umwe mukuya bakusanguluka umwene musokile panja pa fitungulu-ifikali ifya Igupti? Ngimba umwe mukasanguluka umwe musokile panja pa lulangalanga? Kangi, kumbukilaga, abene bafimbililigwaga ukulya a manna, icyakulya kya Bāndumi ukufuma ku Mwanja, mpaka abene bakilenie kula nkisu kila. Kangi akabalilo kako abene bakilenie kusilya nkisu, a manna galinkukata ukugwa. Abene bāli lōsa bakome akabalilo kala, kangi abene balyaga ifilombe ifikulu ifya kisu kila. Lilino, lilino pakuti umwe mukaya banike kangi mma, lilino pakuti umwe mutikunyonywa u lupyu lwanaloli lwa Nongwainunu, ukuti umwe mutikufimbilisigwa ukupagatigwa, nukusubisigwa, nukupepekigwe ukwisa ku kipanga, lilino pakuti umwe muli naloli lōsa bakome Bakristi, umwe mwitendekisye ukulya inyama ingafu lilino. “Umwe mwitendekisye ukwisa mu kindukimo,” umwene alinkuyoba. Umwe mwitendekisye ukupilikisya ikindukimo iki kyo kisolofu kangi kikabi. O, uswe twisakufikaga mu kyene nubutalusi. Kangi, o, icyene kyo kifisigwe ukufuma ku lwalo lwa kisu. Umwene alinkuti, “Lilino pakuti umwe mwisile mu iki, une ngukisegelesya iki kwa umwe.” Komma ku bala babo balekile itolo Igupti, komma ku bala babo bakāli mu lwēndo, loli ku bala babo bali mu kisu ikifingigwe, aba bambilile u lufingo.

<sup>67</sup> Balinga bambilile lufingo lwa Mbepo Mwikemo? O, ngimba umwe mukasangaluka ukuti umwe muli mu kisu? Kwisila kuno lilino, mukulya ifilombe ifikulu, ukulya ifindu ifikafu fya Kyala kangi muli nu bupilikisyo bwapabwelu. Ubwinu—ubwino ubwamwambepo ubwinogonelo bo mosa bukafuluganikana. Umwe mumenye katikati yo Ywani Umwene. Umwe mumenye katikati iki Umwene ali. Umwe mumenye katikati kuko umwe mukubuka. Umwe mumenye katikati fyosa ifyakufwana ni Kyene. Umwe mumenye mwa Yuyo umwe mwitike kangi mukusōngigwa Umwene yo abagile ukukyunga kila kikyo umwe mukubikile ku Mwene ukugulila ilisiku lila. O, abo bo babo, aba Pauli ikuyobelako lilino. Pilikisya kifuki. Lilino ketesya.

*... abasubiligwa mwa Kristi Yeso:*

<sup>68</sup> Lilino, unko une njege ni kipanga ukwandisya ikyo. Ngimba uswe tukwisa bulebule mwa Kristi? Ukwisila mu kwilungisya ku kipanga? Umma. Ukwisila mu kubika ingamu yitu pa buku? Umma. Ukwisila mu kōsigwa ukwisila mu kuyubikigwa? Umma. Ngimba uswe tukwisa bulebule mwa Kristi? Ukwisila mwa Mbepo Mwikemo yumoywene uswe twesa tōsigwe nkati mu lufingo lumolwene, u Mbili, kangi tuli balilanisi ba fyosa ifi fyo fya nkisu. Ameni! O, une—une nkiganile ikyo. Linga une ngāli mwala-masyo, une nabagile ukuywega. Mwe, akabalilo kako une ngufika nkisu iki, icyene kyo kyangu. Une ndi ku kaya lilino; une ndi mu Kenani. Une ngwilambika ku kalikosa

Kyala ikulonda ukubombela mwa une. Une ngwenda pa buyo ubwikemo, u mwāna gwa Mwalafyale, mfwikigwe mosa kangi nitendekisye. Une nsokilemo mu Igupti, nisile apa ukwisila ikisu ikifingigwe, nimikene ni ngelo, ngilenie Yorodani ukwingila mu ulu ulufingo ulusayigwa. O, ngimba une nakyagile bulebule ikyene? Ukwisila mwa Mbepo yumoywene. Injila yilayila iyi Pauli akyāgile Ikyene, kyābōmbile pa une injila yilayila Ikyene kyābōmbile pa mwene, injila yilayila Ikyene kyābōmbile pa ugwe. “Ukwisila mwa Mbepo yumoywene uswe twesa tōsigwe.” Komma ukunyafiligwa, itolo akanyafilo kanini ka Ikyene, ukwipilika kanunu kakufwana; lōli ukuyubikigwa pāsi! Mōsa ukutendekigwa ukuya moglele pāsi, mwa Mbepo Mwikemo. Ulo lo lufingo.

<sup>69</sup> A Baefesi bitu, pamo Yoshua, uyu yo Mbepo Mwikemo, *Yoshua* ikusanusya “Yeso, Mpoki.” Yoshua ukusanusya Mbepo Mwikemo ukwimilila ikyene mwambepo mumo kyāli nkipeligwa, ukuti Umwene yo Mulwa gwitu unkulumba. Umwene yo gwitu unkulumba u Ndongosi. Bo mumo Kyala āli na Yoshua, momumo Kyala (mwa Mbepo Mwikemo) ikutwendesya uswe paliposa. Kangi akabalilo ubutulwanongwa bukwisa mbugonelo, u Mbepo Mwikemo ikufimbilisya ukwimika, “Ngimba kyo fiki kisobi apa nkipanga iki? Ikindukimo kyo kisobi.” O, ngimba umwe mukabagile ukuketa mumo uswe tulinabo babingi fiyo abanabalumiana ba Kish lilino? Aba Sauli bingi fiyo bikwisa ukufuma ku maseminale na masukulu gabufundakyala kangi bikubuka panja nukumanyisya ifi findu ifiniongafu, bo i Bāngeli lyayobile abene bikubombaga. “Mubonekelo, kisita kuya nu Lwitiko, ukwipāgula bene ukufuma kwa umwe, ukusita kuya nu bulilanisi na umwe, na fyosa bo ifyo, ukuya nu luko lwa bunyakyala loli nukukana a maka galimumo: ukufuma ku luko ulu sanukako.” Abene bakamanya kuko abene bikufumilako, abene bakabagila ukupa inongwa yiliyosa.

<sup>70</sup> Une nguyoba iki ukufuma kwa Nkundwe Booth Clibborn, umwinangu gwa une, linga kalipo kalikosa aka ko ka-... kasigwana akasita-kupeligwa-na-kyala, kalikosa nkisu, yo mbunda-falasi. I mbunda-falasi kyo kyapasi-fiyo kya findu fyosa. Umwene yo... umwene—umwene akamanya iki umwene ali. Umwene akabagila ukwipapisya mwene kangi mma. Imbunda-falasi yikabagile ukutelesigwa ukuya mbunda-falasi iyingi kangi nukuya mbunda-falasi. Umwene yo amalike. Umwene akamanya kuko ubāba gwake ikufumila, kangi umwene akamanya unna gwake, namanga umwene yo panini—panini mbunda kangi ifalasi ingikulu. Kyala akabombilemo siku ikyo. Komma ukulambalika bo ikyo kwa Kyala. Kyala akabombamo siku ikyo. Kyala āyobile, “Kilikiyosa kikupapa uluko lwake.” Ena, nkulumba. Lolu i mbunda-falasi yo i—i... u baba āli mbunda kangu u mama gwake āli falasi ingikulu, polelo

umwene akamanya iki umwene aliko. Umwene—umwene—umwene yo falasi ikugela ukuya mbunda-falasi, pamo i mbunda-falasi. . . pamo—pamo umwene yo falasi ikugela ukuya mbunda, i mbunda ikugela ukuya falasi. Umwene atikumanya kuko umwene aliko. Kangi umwene kyo kindu ikikafu-ntu ukukinda iki kiliko nkisu. Ugwe ukabagila ukubika na kayabo kanini ka lusubilo ku mwene.

<sup>71</sup> Kangi iyo yo njila na ba bingi ba bandu bali nkipanga. Abene bakamanya uyu u baba gwabo ali, abene bakamanya uyu yuba gwabo ali. Ikindu kyene iki abene bakimenye, abene lumo ba Presbeteri, Methodisti, pamo Baptisti, pamo u Pentekosti, pamo ikindukimo. Abene bakamanya kuko abene bikufumilako. Kangi umbunda yayiolo, ugwe ubagile itolo ukulata ku mwene pamwanya na mumo ugwe kulondela ukulāta ku mwene, kangi umwene isakwima pala nukwimika mmwanya sila inywamu imbulukutu panja, kangi keta. Ugwe ubagile ukulumbilila ku bene ikilo kyosa lōsa, kangi abene bakamanya akayabo akakongelelapo akabalilo kako abene basokile ukukinda iki abene bamenye akabalilo kako abene bingilaga. Lilino, ikyo kyo itolo kyakutalusya. Une ndikusanusya ukuya gwamatingo, loli une ngulonda ukubabula umwe u Bwanaloli.

<sup>72</sup> Loli kilipo ikindu kimokyene abene babagile ukubomba, abene bo babombi banunu. O, abene itolo bikubomba, bikubomba, bikubomba, bikubomba. Ikyo kikumbika une mu linogono lya kipambo kya aba ba kiArminia aba akabalilo kosa bikugela ukubomba injila yabo ku Mwanja. Uko ko kutalusya, i mbunda-falasi. O, i Kibugutila kya Butuli bwa Bakikulu, kangi ulusekelo lwa fyakulya ni nguku, ifya luhombo, undumbilili. “Kangi uswe tukufimbilisigwa ukuya ni kimogo iki, kangi iki ikyakubungana.” Ikyene kyo itolo mbombo, mbombo, mbombo, mbombo, mbombo, mbombo, mbombo. Kangi, abene, ngimba abene kyo fiki iki abene bikubombela?

<sup>73</sup> Balalusya abene, “Ngimba ugwe gwambilile Mbepo Mwikemo ukufuma pāpo ugwe gwalitike?”

<sup>74</sup> Abene bikwimika mmwanya imbulukutu syabo, kangi batikumanya kuko abene baliko, “Ngimba ugwe kusanusya fiki? Ko kugu kifumile *iki*? Ngimba ugwe kusanusya fiki, Mbepo Mwikemo? Une ngapilikamo siku nakimo isya Ikyene. O, ugwe ubagile ukuya luko lumo lwa gwafigili.” Muketile, abene bakamanya uyu u baba gwabo āli, pamo ywani u mama āli, pōpe. Kangi ugwe kufimbilisigwa ukubakomela abene pa kilikyosa ugwe kubomba, koma *apa* kangi koma *pala*, kangi koma *apa* kangi koma *pala*. Uko ko kutalusya, imbunda-falasi yayiolo.

<sup>75</sup> Loli, une ngubabula umwe, ugwe utikufimbilisigwa ukubomba ikyo ukwisila mu yanaloliloli indēligwa-kanunu i falasi. Itolo lapula ikikoti pamwanya pa umwene akabalilo kamokene, kangi nkundwe, umwene akindile. Umwene amenye



iki umwene ikubomba. O, bo bununu buki icyene kili ukwitoga pa i ndeligwa-kanunu! Bo bununu buki icyene kiyilile ukuyoba, “Ugweisa kuno, ndumiana.” O, nnyambala, ugwe kinunupo kola fyenya, umwene isakukileka icyakwitugalila mmwanya.

<sup>76</sup> Iyo yo njila icyene kiyilile nu Nkristi unteligwa-kanunu. Haleluya! “Ambilila ugwe u Mbepo Mwikemo. Pinduka, aligwesa gwa umwe, kangi osigwaga mu Ngamu ya Yeso Kristi, ku buswe bwa mbibi syinu.” Bakindile, itolo na bubwengo mumo abene babagile ukufikila ku misi, abene bakindile. Abene bakabagila ukutusya pamusi na pakilo mpaka abene bikwambilila u Mbepo Mwikemo. Nongwa ya fiki? Umwe mumenye, u Nkristi ikumanya uyu u Bāba gwake āli. Muketile, icyene kikwegela babili ukutendeka imbapo. Uko ko kutalusya, bāba na mama. Imbunda-falasi atikumanya yo ywana āli bāba, pamo yo ywani āli mama. Loli uswe tumenye Uyu Bāba kangi Mama āli, namanga uswe twapāpīgwe ukufuma mu Lisimbo ilisimbigwe lya Kyala, tuisimikisigwe na Mbepo. Peteri aayobile, pa Lisiku lya Pentekosti, “Linga umwe mukulāta kangi mukōsigwa, aligwesa gwa umwe, mu Ngamu ya Yeso Kristi, kubufyule bwa mbibi syinu, umwe mwisa kwambililaga icyabupi kya Mbepo Mwikemo.”

<sup>77</sup> Kangi, nkundwe, u Nkristi umpapigwe-kangi ugwabwanaloli, (o, mwe) u mbepo gwake, nakalinga itolo papo umwene ikulyaga i Lisyu, umwene ikwambilila u Mbepo Mwikemo. Ndalusya umwene ikindukimo polelo! Umwene amenye apa umwene imile. “Ngimba ugwe kwitika mu bubumbulusyo Bwakyala?”

“Ameni!”

“Ngimba ugwe kwitika mu Kwisa Kwakibili?”

“Ameni!”

<sup>78</sup> Lalusya imbunda-falasi ikyo. Ubwiputulo bwa mbunda-falasi, “Uu, une ngamanya. Dokotala Jones ayobile akabalilo kamo. . .” Huu! Kula, kindililaga ukukonga Sauli. Muketile? “O, abene bakamanya. Mulimosa, une ngukubulaga ugwe, ikipanga kyanga kikaya kisimikisye ikya Kyene.”

<sup>79</sup> O, nkundwe, loli umpapigwa-kabili unnyambala nu nkikulu yo iyolo gwakusisimikisya isya kwisa kwa Ntwa Yeso, abene bo itolo basisimikisye abene balinagwe Mbepo Mwikemo bo mumo aliko u Mbepo Mwikemo ukupegigwa.

<sup>80</sup> Lilino, Yeso aatile. . . Unkikulu uyu pa kisiba, “Uswe tukwiputa nkyamba iki, kangi abaJuda bikwiputa ku Yerusalemu.”

<sup>81</sup> Umwene aatile, “Nkikulu, pilika a Masyu Gangu! Isala yikwisa, kangi lilino yili, akabalilo kako Tata ikulonda bala babo bikummwiputa Umwene mwa Mbepo na Mbwanaloli.”

<sup>82</sup> “Iisyu Lyako lyo Bwanaloli.” Kangi u mundu aligwesa uyu isakubala i Bangeli nukwitika i Lisyu lililyosa ili i Bangeli likuyoba, kangi ikukonga indagilo Syake, kangi ikwambilila yu Mbepo Mwikemo yulayula abene balyambilile, mu njila yilayila abene balyambilile Umwene, ifyakukonga filafila abene balyambilile Umwene, amaka galagala abene balyagile akabalilo kako abene balyambilile Ikyene, umwene amenye uyu u Baba na Mama gwake aali. Umwene amenye umwene asukigwe mu Lilopa Iya Yeso Kristi, apapigwe mwa Mbepo, isusigwe nu bukasye bwa Kyala. Umwene amenye kuko umwene ikwima. Naloli! Umwene ali mu Kenani. Umwene amenye kuko umwene ikufumilako. Iyo yo njila ikyene kili nu Nkristi gwanaloli. Ndalusya umwene, “Ngimba ugwe gwambilile Mbepo Mwikemo ukufuma papo ugwe gwalitike?”

“Ameni, Nkundwe!”

<sup>83</sup> Nimile ilisiku ilingi kifuki unkangale umwikemo, ifyinja malongo-mahano-na-mana-na-fibili mbukusi, ikuyoba ku gwake untimi unkusi-ifyinja-malongo-lwele, une ndinkuti, “Mbuya?”

Itolo ukuya nsangalufu mumo umwene abagilile, umwene alinkuyoba, “Ena, mwanundumiana gwangu.”

<sup>84</sup> Une ndinkuti, “Ko kabalilo katali bulebule akene kali ukufuma papo ugwe gwalyambilile u Mbepo Mwikemo?”

Umwene alinkuti, “Lwimiko kwa Kyala! Ukufwana ifyinja malongo-ntāndātu ifi fikindilepo une nalyambilile Umwene.”

<sup>85</sup> Lilino, linga umwene aali mbunda-falasi, umwene angali ayobile, “Lilino, gulila i miniti, une nasisimikisigwe kangi nanyafiligwe akabalilo kako une naali. . . Mulimosa, naloliloli, kangi abene balinyegile une nkipanga kangi une nalyegile ukalata gwangu kula kwa *gwakuti*.” O, kisa ume! Abene batikumana nakuko abene baliko.

<sup>86</sup> Loli umwene amenye kuko ubwabuke-bwakupapigwa kwake bukufumilako. Umwene aali pala akabalilo kako ikyene kyabonike. Umwene āpāpigwe mmisi kangi mwa Mbepo. Umwene amenye, kangi amisi ukwisila mu kusuka kwa misi ukwisila mu Lisyu, ikwegwa i Lisyu.

<sup>87</sup> Lilino ketesya mumo iki kikutwaligwa, “Ku bala babo bali mwa Kristi Yeso.” Pauli, lilino, kumbukilaga. . . Une ngwega akabalilo akatali, loli une ndikuyaga pakumalisya untu ugu. Loli une nguyaga mwengo. . . Ngimba umwe mukukigana ikyene? O, Ikyene kikutubula uswe kuko uswe tuli, loli uswe tukabagila ukubomba ikyene itolo nkilo kimokyene. Uswe tukulondigwa u mwesi pamo mibili igya iki, itolo ukubuka mulamula ukukinda Ikyene, Lisyu pa Lisyu. Ukugomokela nukukitwala ikyene pamwanya mu syambukulu kangi nukilambalika ikyene panja,

Lisyu pa Lisyu, nukubanangisya umwe ukuti Ikyene kyo Bwanaloli. Lilino unko une mbale ilinandi ilyo nakalinga kangi.

*Pauli, u ntumigwa gwa Yeso Kristi ukwisila mu bwigane bwa Kyala (komma ubwigane bwa mundu) ku bikemo aba bali mu Efesi, kangi (umulungisi) ku basubiligwa mwa Kristi Yeso:*

<sup>88</sup> Kokuti, “Abene babilikigwe panja, bapaguligwe, kangi lilino bosigwe na Mbepo Mwikemo, kangi bali mwa Kristi Yeso. Une ngutwala ukalata uyu kwa umwe, mwe baganigwa.” O! Une ngwinogona isya Pauli kula na bene lululu lilino, o, bo buhofu buki! Kala akanini akaiyolo akatumigwa aka katumuligwe untu gwake pasi pala. Une nālimile kifuki pa buyo kuko abene batumwile untu gwake. Loli, o, untu gwake guli kanunu mu mbili gwake umpya, kangi gukabagila ukutumuligwamo siku kangi. Kangi umwene imile ukukilania kula na bene iminiti yiyi iyi, u ntumigwa yulayula yuyo asimbile Iki. Kangi alinkuti, “Kwa umwe mwe muli mwa Kristi Yeso! Nu Mbepo yumoywene uswe twesa tosigwe mu Mbili gumogwene.” Lilino ketesya.

*Ipyana liyeye kwa umwe, nu lutēngāno, ukufuma kwa Kyala Tāta gwitu, kangi. . . u Ntwa Yeso Kristi.*

*Asayigwege u Kyala kangi Tata gwa Ntwa Yeso Kristi, uyu atusayile uswe na fyosa. . .*

O, ngimba ugwe kupilika ikyo, Charlie?

. . . atu sayile uswe na syosya isayo syamwambepo . . .

<sup>89</sup> Komma itolo simo ku batumigwe, kangi simo ku iki, loli Umwene atusayile uswe na syosa isayo syamwambepo. U Mbepo Mwikemo yulayula uyu agwile pa Lisiku lya Pentekosti yo yulayula Mbepo Mwikemo apa ikilo iki. U Mbepo Mwikemo yulayula uyu atendike Maria ukuywega nukuyoba ni ndimi, nukuya na kabalilo akanunu nukusangaluka, kangi ifindu ifi umwene aabombile, yo Mbepo Mwikemo yulayula apa ikilo iki. U Mbepo Mwikemo yulayula uyu alimmwitikisya Pauli pa sitima yayi yola, kuko iyene yabonakaga ngati iyene yalwiswile na misi kangi yakindile, kangi amasiku ni kilo kalongo-na-mana, kisita mwesi pamo indondwa. Umwene alinkuketa panja pala kangi iliyiga lililyosa lya nu mohesi pa lyene, ikuketa, kangi ikusekelela amino gake, kangi alinkuti, “Une ngukumisyaga ugwe, ndumiana, lilino. Une ngwagile ugwe lilino.”

<sup>90</sup> Kangi akabalilo kosa Pauli abukile pasi ukuya nu lwiputo ulunini, pala imaga u Gwandumi, alinkuti, “Komma ugwe ukutila, Pauli. I sitima yayi yolo iyi yisakubongotoka pa lusungo lumo. Kindililaga nkyeni kangi ilya ungonelo gwake, ikyene kili kanunu losa lululi lilino.”

<sup>91</sup> Apa umwene ikwisa ni minyololo gila afwele pa ngongi syake innini isyaiyolo, ikugikwaba igyene pa malundi gake, kangi alinkuti, “Yaga ba bukifu ubununu, banyambala, namanga

Kyala, u Gwandumi gwa Kyala, yuyo une ne mbombi, alimile kifuki na une kangu alinkuti, 'Pauli, komma ugwe ukutila.'" U Mbepo Mwikemo yulayula ali pa ikilo iki, yulayula Mbepo gwa Kyala, ikubombela kwa uswe silasila isayo syamwambepo.

*...atusayile uswe na syosa isayo syamwambepo  
mmabuyo gammwanya...*

<sup>92</sup> O, unko uswe twime itolo yimo iminiti yakongelelapo apo. "Mu Gammwanya amabuyo." Lilino, komma itolo panja paliposa, loli mmabuyo Gammwanya. Uswe tubungene mu "Gammwanya," ikyene kikusanusya ukuti ubufike bwa mwitiki. Ukuti, linga une niputile losa, ugwe gwiputile losa, pamo i kipanga kiputile losa, kangu uswe twitendekisyile i Ndumi, kangu uswe twibungenie twibene palikimo ukuya bikemo, babilikigwe, bosigwe na Mbepo Mwikemo, twisusigwe ni sayo sya Kyala, tukoleligwe, tusaligwe, twitugesye palikimo mmabuyo Gwammwanya lilino, uswe tuli Bammwanya myoyo gyitu. Isyitu imbepo situtwele uswe mbusyungutilo Bwammwanya. O, nkundwe! Mwaketa umwe lelo, ubusyungutilo Bwammwanya! O, ngimba fiki fibagile ukuboneka ikilo iki, ngimba fiki fibagile ukuboneka ikilo ili linga uswe twabagile ukuya twitugesye apa mbusyungutilo Bwammwanya, kangu u Mbepo Mwikemo ikwendendeke pamwanya pa ndumbula yiliyosa iyi yimesigwe-kangu na kwisa ukuya kipeligwa kipya mwa Kristi Yeso? Syosa imbibi pasi pa Lilopa, mu bwiputi ubupelelesye, na maboko gitu mmwanya kwa Kyala kangu indumbula syitu sifyusigwe, twitugesye mmabuyo Gwammwanya mwa Kristi Yeso, ukwiputila palikimo mmabuyo Gwammwanya.

<sup>93</sup> Ngimba ugwe gwitugesyemo siku mu bumo? O, une nitugesye mpaka une nakutaga panongwa ya busangalufu nukuyoba, "Kyala, nasiku ukundeka une nsokepo apa." Itolo ubuyo Gwakumwanya mwa Kristi Yeso!

<sup>94</sup> Ikutusaya uswe na fiki? Ulubumbulusyo Lwamwakyala, ukumanyila-ngani, ubusetuli, imboniboni, amaka, indimi, ubusanusi, amahala, ubumanyi, syosa i Syammwanya isayo, kangu ubuhobofu ubusitakuyobigwa kangu twiswile nu Lwimiko, indumbula yiliyosa yiswile na Mbepo, tukwenda palikimo, twitugesye palikimo mmabuyo Gammwanya, komma ilinogono ilibibi nalimolyene pakati pa uswe, komma ni ngambo yimoyene yikwesigwe, komma ilidiresi ilipimba nalimolyene, komma kimokyene *iki, kila* pamo i *kingi*, komma ilinogono ilibibi limolyene, nayumo ali nako kalikosa ukulwana yumo nu nnine, aligwesa ikuyoba ndugano kangu ndwitikisano, aligwesa mbufwane bumobwene mbuyo bumobwene, "polelo nakalinga pala pikwisa ukufuma ku Mwanya akogo kaliti bo mbelo ugwamaka ugwakubopa." Mwaketa umwe lelo, "Atusayile uswe na syosa isayo syamwambepo."

<sup>95</sup> Polelo u Mbepo Mwikemo abagile ukugwa pa munduyumo,

kangi nukuyoba, “ISI SYO IKUTI U NTWA. Buka ku buyo bwakuti kangi kabombe ikindu kyakuti.” Ketesya icyene kikuboneka itolo bo *ulo*. [Nkundwe Branham ikukuba ulobe lwake—Nsimbi] Muketile? “ISI SYO IKUTI U NTWA. Bomba ikindu kyakuti ku buyo bwakuti.” Ketesya icyene kikuboneka bo *ulo*. [Nkundwe Branham ikukuba ulobe lwake.]

<sup>96</sup> “Atusayile uswe palikimo mu syosa isayo Syammwanya mmabuyo Gammwanya.” Ketesya!

*Ukufwana na mumo umwene atusalile uswe . . .*

<sup>97</sup> Ngimba uswe twalinsalile Umwene, pamo Umwene atusalile uswe? Umwene atusalile uswe. Ndili? Ikilo iki uswe twalimmwikisye Umwene? Tusaligwe!

*Ukufwana na mumo umwene atu salile uswe mwa umwene bo lukali ulwalo lwa kisu, ukuti uswe tuyege bikemo . . . kisisita kasolo pankyeni pa mwene mu . . . (ifipanga-fipaguke?) . . . mu lugano:*

<sup>98</sup> Ngimba mo ndili Kyala atusalile uswe? Ngimba mo ndili Kyala akusalile ugwe gwe uli na Mbepo Mwikemo? Ngimba mo ndili Umwene akusalile ugwe? Bo lukaligwa u lwalo lwa kisu. Ukwisila mu kumanyila-ngani Kwake, Umwene akuketile-ngani ugwe kangi amenze ukuti ugwe angali kungana Umwene. Kangi bo lukali ukuyapo u lwalo lwa kisu, Umwene aakusalile ugwe, nukuntuma Yeso ukuti Umwene abagile ukuya kyakuhomba kya mbibi syako, ukukukolela ugwe ku lusayano, ku Mwene, lu lugano. O, ngunyonywa uswe twali itolo na maminiti manini agakongelelapo.

<sup>99</sup> Unko une, bo tukali ukukindilila pabutalipo, ngomokele kunyuma, Bwandilo 1:26. Une nisakukipimba icyene ukufuma apa pa Kitatu. Akabalilo kako Kyala apelile u nnyambala . . . Bo akali Umwene ukumpela unnyambala, Umwene alikolile Mwene “El,” E-l, El, E-l-h, “Elah,” “Elohim.” Ilisya ili kokuti, mu kiHiburi, “unjepo-pamwene,” gweza pa Mwene. Nakimo kyaliko bo akali Umwene, Umwene ali yo gweza buyepo pala alimo siku, unjepo-pamwene Yula! El, Elah, Elohim, kokuti u “mwikutisye-mosa, gwamaka-gosa, Mwenemaka, njepo-pamwene Yula.” Oh!

<sup>100</sup> Loli mu Bwandilo 2, akabalilo kako Umwene apelile u mundu, Umwene alinkuti, “Une yone,” Y-a-h-u, J-u-v-u-h, *Yahweh*, “Yehova.” Ngimba icyene kyanusyaga fiki? “Une yone unjepo-lōsa Yula Yuyo apelile ikindukimo ukufuma mwa Nimwene, ukuya mwanundumiana gwa Une, pamo u gwakukolelelapa-tasi, pamo ugwakumanyilila, unnini yumo gwa Une.” Lwimiko! Fiki? Umwene alimpele u nnyambala . . . *Yehova* kokuti “Umwene alimpele u mundu ukuya kyala gwakumanyilila.” Panongwa yakuti Umwene yo Tata Kyala, kangi Umwene apelile u mundu kyala ugwakumanyilila, popapo Umwene akaya njepo-mwene kangi mma, Umwene ikuyapo ni kikolo Kyake. Elah, Elah, Elohim. Lilino, lilino Umwene yo

Yehova. *Yehova*, ukusanusya, “Yumo Yuyo ikuyapo ni kikolo Kyake.” Lilino, Kyala alimpelile u mundu ukuya gwakulagila pamwanya pa kisu kyosa, umwene aali nu bulagili. Kangi i kisu kyaali bulagili bwa mundu. Ngimba ilyo lyo Lisimbo? Polelo linga ikyo bulagili bwake, umwene aali kyala pamwanya pa kisu. Umwene abagile ukuyoba, kangi ikylene kyayaga lululo. Umwene abagile ukuyoba *iki*, kangi ikylene kyayaga lululo. O! Apo Umwene ali, Kyala, Yehova, Yumo Yuyo akabalilo kamo aalipo mu buyepo-pamwene, loli lilino alipo ni kikolo Kyake, kangi abanini Bake na yu Mwene. Mwaketa umwe lelo.

<sup>101</sup> Lilino, bala ikyo. Uswe twisakwisaga mu kyene Kitatu pakilo, akabalilo kako uswe tukuyaga na kabalilo kakongelelapo. Uswe itolo kifuki amaminiti kalongo-namahano agakongelelapo kangi uswe twisa. . . Une ninogonaga une angali ngufika pa buyo bumo apa, loli uswe tutikubombaga, mpaka paapo uswe tufunguligwe na Mbepo Mwikemo gwa lufingo. Umma ndaga.

<sup>102</sup> Lilino, ngimba mo ndili apa uswe twakoleligwe ukuya babombi ba Kyala? Ngimba mo ndili u Orman Neville akoleligwe ukuya mbombi gwa Kyala? O, mwe! Iki kikumbepelusya une. Une nisakubabula umwe, unko uswe twege a Masimbo gamo. Une ngulonda ugwe ukwega Peteri Gwakwanda 1:20. Kangi, Pat, ega Busetuli 17:8. Kangi une nisakwega Busetuli 13. Lilino uswe tukulonda ukupilikisya apa, ugwe kulonda ukumanya akabalilo kako Kyala akukolile ugwe ukuya Nkristi. O, une nkiganile iki. Iki, “Umundu atisakuya nu bumi nu nkati gwene, loli ni Lisyu lililyosa ili likufuma pa kanwa ka Kyala.” Syosa silikanunu, Nkundwe Neville, ugwe umwagile Peteri Gwakwanda 1:20. [Nkundwe Neville ikuyoba, “1:20.”—Nsimb] Ena, bala 1:19 na 20. Pilikisya iki. [“1:19 na 20.”] Ena.

*[Loli ni lilopa lya Kristi ilipala, bo yu kang’osi unsita kasolo kangi unsita linonia:]*

*[Yuyo naloliloli asunguligwe-ngani bo lukali ulwalo lwa kisu, loli abonekile mmasiku aga agabumalikisyo kuli umwe.]*

<sup>103</sup> Ngimba mo ndili Umwene asunguligwe-ngani? Bo lukaligwa ulwalo lwa kisu. Nkundwe Pat, bala Busetuli 17:8 kuli une.

*[U kinyamana uyu ugwe gwalimbwene aali, kangi akaya; kangi isakufyuka panja ukufuma nkibwina kisita-lwalo, nukubuka mbupyuto: kangi abene aba bikwitugala pa kisu bisakuswiga, bala i ngamu syabo sikāsimbígwe mwa buku gwa bumi ukufuma ku lwálo lwa kisu, akabalilo kako abene bikuketa u kinyamana uyu aali, kangi akaya, na papo ali.]*

<sup>104</sup> Ngimba bo baani aba bikuyaga basyobigwe? Ngimba yo ywani ikuyaga nsyobigwe nu mundu umwiputi uyu ngati Sauli ayilile? Kila kyalil itolo kikomu fiyo kangi kipepelesye

fiyo mpaka ikylene angali kikusyoba aba fiki? Balabala Bas-... [Ikilundilo kikuyoba, “Basaligwa.”—Nsimbi] linga... [“kyakubagila.”] linga kyakubagila. Syosa silikanunu, Ubusetuli 13:8, unko une mbale ikylene kuli umwe:

*Kangi bosa aba bikwitugala pa kisu bisa... bosa aba bikwitugala pa kisu bisakummwiputa umwene, babo ingamu syabo sika simbigwe mwa buku gwa bumi gwa Kang’osi ungowigwe bo lukaligwa ulwalo lwa kisu.*

<sup>105</sup> Ngimba mo ndili ingamu syitu syabikigwe mwa Buku gwa Bumi gwa Kang’osi? Akabalilo kako u Kang’osi agogigwe bo lukaligwa ulwalo lwa kisu. Akabalilo kako Kyala aali Yehova, El, Elah, Elohim, unjepo-pamwene Yula. Itolo ngati limolyene ilikulumba ilinywamu ili Diamondi, akangi Umwene akabagile ukuya nakimo ikingi, loli nkati mwa Diamondi ili ifyakumbagilila Fyake aali Mpoki. Mu fyakumbagilila iki, nkati mwa Umwene, aali Mbumbulusi. Mulimosa, pala pakalipo nakimo ikyakupoka kangi nakimo ikyakumbulusya, loli ifyakumbagilila Fyake fyatwalaga ikylene. Popapo, polelo bo lukaligwa ulwalo lwa kisu, akabalilo kako Umwene aamenye, ukuti ikikulumba ikubonekela nkati muno ikya Umwene, ukuti Umwene ikuyaga Mpoki, ukuti Umwene ikwisaga nukupeligwa mbili nukwitugala pakati pa uswe, kangi Umwene aamenye ni fulale Syake uswe angali tukubumbulisigwaga, Umwene agogile u Kang’osi pa Buku Gwake bo lukaligwa ulwalo lwa kisu, kangi alinkusimba i ngamu yako pa Buku yula bo lukaligwa ulwalo lwa kisu. O!

<sup>106</sup> Pilikisya Iki! U busunguligwe-ngani kukuketa kunyuma ku bumanyila-ngani, une ngusanusya ulusalo. Ulusalo lukuketa kunyuma ku bumanya-ngani, kangi u busunguligwe-ngani bukuketa ku busunguligwe. Komma ukwibwa ikyo, ukuti ulusalo lukuketa kunyuma apa, apa ikylene kili, “Une naali mitulwatulwa. Une napapigwe mbutulwanongwa, nabumbigwe mu mbutulwe, ukwisa ku kisu nguyoba ubutungulu, mbapigwe pakati pa batulwanongwa. Tata na mama na kyosa ikikolo kyangu, batulwanongwa. Une naali mitulwatulwa. Loli, nakalinga itolo, une ndinkuya ngano kangi. Ngimba ikylene kyabonike bulebule?” Ikyo, ngimba ikyo kyo fiki? Lusalo. Kyala, bo lukaligwa ulwalo lwa kisu, asalile ukuti untulwatulwa ayaga pakuya mbeyu ya ngano. “Lilino une mmenye une yone mbeyu ya ngano, panongwa yakuti une mbokigwe. Ngimba une ngubombaga bulebule ikylene?” Keta kunyuma kangi keta ukuti Umwene asungwile-ngani ikylene, akabalilo katali aka kakindile. Ukwisila mu bumanya-ngani Umwene aaketile ukuti une angali ngungana Umwene, popapo Umwene apelile ikyakuhomba ukwisila u Mwanundumiana Gwake Mwene, ukuti ukwisila mwa Umwene une mbagile ukwisa ukufuma ukuya mitulwatulwa ukubuka ku mbeyu ya ngano. “Lilino, ngimba ko kugu ndiko une lilino?” Une mbokigwe, une

ngwenda mu lipyana lya Kyala. “Ngimba ubusunguligwe-ngani bukuketa fiki?” Ku busunguligwe. “Ngimba ko kugu Umwene isakunyegeleko une, kangu ko kugu une ngubukako?” Ameni. Ikyo kikwagile ugwe. Mwaketa umwe lelo.

<sup>107</sup> Lilino unko uswe tubale itolo panini pankyeni, kangu polelo uswe twisakufimbilisigwaga ukwigala lululu ulu.

*Ukufwana mumo umwene... atusalile uswe mwa umwene bo lukaligwa ulwalo lwa kisu, ukuti uswe tubagile ukuya bikemo... kisisita kasolo pankyeni pa umwene mu lugano:*

*Bo atusungulile-ngani uswe ku bufwikigwe, atusungulile-ngani ku bufwikigwe bwa bana ukwisila mwa Yeso Kristi ku mwene, ukufwana nu bwikyele bununu bwa bwigane bwake,*

<sup>108</sup> Ngimba Umwene abombile fiki? Umwene, ukwisila mu bumanya-ngani, aaketile-ngani uswe, amenye ukuti Umwene aali Mpoki, buyepo-pamwene. Bakaliko nabamo a Bandumi, nakimo mma; Kyala itolo, Elah, Elohim, unjepo-mwene Yula, nakimo loli Umwene mwene. Loli mwa Umwene aalimo u Mpoki. Mulimoso, ngimba fyo fiki Umwene ukuyaga pakupoka, kukayako nakimo ikiyonge? Amenye kila, polelo Umwene aamenye ukuti iki ikulumba ikyakumbagilila mwa Umwene kisakusosya ikindikimo panja kunkyeni iki Umwene abagile ukupoka. Polelo akabalilo kako ikylene kyabombile ikyo, ukwisila mu bumanya-ngani Umwene alinkuketa pasi kangu Umwene alinkumbona aligwesa uyu abagile ukwitikisya Ikyene. Kangu polelo pakubomba lulo, Umwene alinkuti, “Ukupoka ikyo, injila yene Une mbagile ukubomba ikylene, ngwisakwisa pasi Nimwene nukwipela mbili nukwega ubutulwanongwa bwa mundu pa Mwene, nukufwila umwene, ukuti Une mbagile ukuya Yula uyu ikwiputigwa,” panongwa yakuti Umwene yo Kyala, ikyombo kya bwiputi.

<sup>109</sup> Polelo Umwene alinkwisa pasi kangu alinkwega pa Mwene. Kangu akabalilo kosa Umwene abombile ikyo, Umwene abombile ikyo ukuti Umwene abagile ukupoka ugwe gwe kulonda ukupokigwa. Ngimba mukukibona iki une ngusanusya? Ukwisila mu bumanya-ngani, u Kyala unsitampaka, Yuyo aamenye ifindu fyosa, aalimbwene Kang’osi, kangu Umwene alinkugoga u Kang’osi bo lukaligwa ulwalo lwa kisu, kangu Umwene alinkubika ingamu yako pa Buku gwa Bumi gwa Kang’osi. Kangu Umwene abubwene ubusyobi bwa Setano, iki umwene angali ikubomba. Popapo Umwene alinkubika ingamu yako pamwanya pala. Kangu Umwene alinkuyoba ukuti undwananakristi ikuyaga mwiputi fiyo, nnunu fiyo, umwinitu unnunu fiyo, u nnyambala unkomu fiyo, u nnyambala mwiputi fiyo, mpaka umwene abagile ukusyoba balabala a Basaligwa linga ikylene kyaali kyakubagila. Loli ikylene kyo



kisitakubagila, panongwa yakuti ingamu syabo sya sayiligwengani bo lukaligwa ulwalo lwa kisu. Ukwisila mu lusalo Umwene asalile abene, kangu ukwisila mu busunguligwa-ngani abene bamenye kuko abene bikubuka. Mwaketa umwe lelo.

<sup>110</sup> Lilino, ngimba yo ywani abagile ukwilamwa ikyo? Ikyo kyo iki Pauli ayobile. Ilyo lya Lisimbo lya Pauli. Uko ko kusimba kwa Pauli. Ikyo kyo iki umwene amanyisye ikipanga kyake. Ikipanga, mbuyo-bwake, bo lukaligwa ulwalo lwa kisu. Akabalilo kako Kyala, mu bubabe bwabupapi Bwake, atwalaga panja, ukukutwala panja ugwe, amenye ukuti iki ugwe gwabagile ukubomba, Umwene mbuyo-bwako alinkukubika ugwe mu Mbili Gwake Mwene, ukuya nkasi-gwa-panyumba, ukuya mulimi, ukuya ndumbilili, ukuya nsololi, ukuya *iki* pamo ukuya *ikyo*. Umwene aakubikile ugwe mbuyo-bwako. Polelo akabalilo kako uswe tufumile ku fisu fya fitungulu ifikali fya Igupti, ukwisila ukukemesigwa, kangu tosigwe mu kisu ikifingigwe... Kabuno, ulufingo lwa Kyala yo Mbepo Mwikemo. Baefesi 4:30 ikuti, “Somma ukunsulumanisya Mbepo Mwikemo gwa Kyala kuko umwe mufungiligwe mpaka ilisiku lwa kutabuligwa kwinu.” Polelo Kyala, bo asungwile-ngani ikipanga, Umwene alinkuti, “Kangu bosa abandu, bisakuyapo amaelifu-elifu ukulokana maelifu-elifu aba bisakwenda fiyo biputi nukuya basyobigwe.” Bo bene bala aba batisakusyobigwa bisa kuyaga bala aba bisile bakilenie mu kisu ikifingigwe, babo bo lukaligwa ulwalo lwa kisu bali ni ngamu syabo sibikigwe pa Buku gwa Bumi gwa Kang’osi, kangu isile ukukilania mu kisu ikifingigwe, kangu ukwikyela ikylene.

<sup>111</sup> Abandu bingi bikutila ugwe kuyaga pakubombela mbuhesya. Abandu bingi bikutila u Mbepo Mwikemo isakukupelaga ugwe ukubomba ikindukimo ugwe—ugwe kwisakuya ni soni na bandu. Abandu bingi bikutila abene bisakulilaga, kangu abanyafu-ndumbula babo bisakubabonaga abene bikulila, pamo mama, pamo umpalamani gwako, pamo u bwana gwako isakukubona ugwe.

<sup>112</sup> Unko une mbabule umwe isya mundu akabalilo kamo, bo tukali ukwigala. Aliko u nnyambala yumo ugwangamu ya Davidi, kangu akabalilo kako ilibokosi lya Kyala lyali pasi mu kisu kya Bafilisti, kangu balisile ukukilania, ukukwabigwa ni libokosi, iyaiyolo ingambako yikukwaba ifyene, akabalilo kako Davidi alibwene ilibokosi likwisa, umwene ali na kanselekesye akanini pa mwene, umwene alinkubopa panja pala, umwene alinkutika amalundi gake mmwanya, kangu alinkunyela ukusyungutila, nukuywega nukunyela, nukumoga nukunyela nukumoga. Kangu, umwene, u mwalafyale gwa Israeli! Kangu unkasi gwake alinkuketa panja pa lidirisha nukumbona umwene ikubombela mbuhesya, umwene alinkummugila umwene. Fiki, umwene abagile ukuti aayobile, “Ilitoyofu! Nketa umwene panja pala, mumo umwene ikubombela, ukusopa amalundi

mmwanya mu mbepo, nukunyela ukusyungutila nukubombela bo lula. Fiki, umwene abagile ukuti asyutilemo!” Kangi ikilo kila akabalilo kako umwene ikwingila, umwene alinkuti, mu masyu bo ulu, “Fiki, ugwe ungosisye une isoni. Fiki, ugwe, u mwalafyale, undume gwangu, panja pala kubomba bo lula, ukubombela bu lula!”

<sup>113</sup> Davidi alinkuti, “Kilabo une nisakubomba kanunu ukukinda lula. Ena, nkulumba!” Umwene alinkuti, “Ngimba ugwe ukamanya une namogelaga kwa Ntwa?” Umwene akilenie kula! Umwene aali nkisu kya lufingo. Umwene ataagile fyosa ifya kayilo-ka-pamwene kangi amatipa ga kisu. Umwene aali nsangaluke fiyo ukumanya ukuti ilibokosi lisaga nkaya kake kene.

<sup>114</sup> Kangi, o, une ngubabula umwe, abandu bamo bikutila ukwambilila u Mbepo Mwikemo, bikutila ukuti abene babagile ukuyoba ni ndimi. Abene bikutila ukuti umunduyumo abagile ukuyoba, “Lilino, umwene yo yumo mwa bala bamiana ba ndimi.” Abene bikutila ukwisa ku kipanga nu kosigwa mu Ngamu ya Yeso Kristi, panongwa yakuti abene bali ni soni ni Kyene. Uu! O!

<sup>115</sup> Umunduyumo aayobile une ngufimbilisigwa ukugomosya amatepi gangu, panongwa yakuti une nalumbilile isya kosigwa mu Ngamu ya Yeso Kristi. Une ndikugomolaga agene. Une ngutendekaga amingipo! Uko ko kutalusya, ikyo, ukutendeka amingipo! Ilyo lyo i Bangeli. Linga abene bakakigana iki uswe twabombile mmayolo, itolo ketesya iki uswe tukuyaga pakubomba kilabo! Ikyo kyo kindu ukubomba, muketile, itolo umilisyaga ukukindilila. Kukayako nabumo ubumalikisyo ku kyene, panongwa yakuti ikyene kyo kya Ntwa. Ikyene yo Kyala.

<sup>116</sup> Umwe mumenye iki Kyala aabombile? Kyala alinkuketa pasi ukufuma ku Mwanya, Umwene alinkuti, “Davidi, ugwe gwe nnyambala gwa pa ndumbula Yangu Yene.” Davidi akaali gwasoni. Umwene aali ntumigwa gwa Ntwa. Umwene alinganile u Ntwa. Kangi umwene ali nsangaluke fiyo, fiyo nhobokeye, mpaka umwene akaalinogwine isya bwapamwanya bwa bundu.

<sup>117</sup> Umwe muketile, bo mumo une njobile mu bulumbilili bwangu ulubunju ulu, uswe tukutila fiyo, mpaka uswe tukulonda u Sauli ukutumanyisya uswe, uswe tukulonda u Sauli ukufuma ku seminale yimo ukutubula uswe mumo uswe tubagile ukubombela ubwiputi bwitu kangu mumo uswe tubagile ukubombela ikyene. Kila kyo pa lubafu ulungi lwa Yorodani. Ulubafu ulu, u Mbepo Mwikemo ikutulongosya. Ukukilania kuno ugwe usokilemo mmatipa gala. Ukukilania kuno ugwe utikupasya iki abene bikwinogona. Ukukilania kuno ugwe ufwile, kangi ubumi bwako bufisigwe mwa Kristi ukukindamo. . . kangi bufungiligwe na Mbepo Mwikemo. Ugwe utikupasya mma. Ugwe kwitugala mu Kenani. Ugwe ubagile

ukwima ikilombe ikinunu. Ugwe uli kipeligwa ikipya mwa Kristi Yeso. Ugwe utalwile ku kisu ikifingigwe.

118 Une ngukumbukila nalimbile pala, Nkundwe Collins, fimo ifyinja malongo matatu ifi fikindilepo, akabalilo kako ikipanga iki kyakali kikayengigwe mma. Ulwene lwali lunini lukomano lwa muhema twitugesye apa pa nguto, ulukomano lwangu lwakwanda. Une nalumbililaga i Nongwainunu iyi yiyiyi, ikindu kilakila, ubukabi ubusitakulondesigwa bwa Kristi: ulosyo lwa misi mu Ngamu ya Yeso Kristi, ukwitika i Lisyu lilikyosa ukuya Bwanaloli, ulosyo lwa Mbepo Mwikemo, ulubumbulusyo Lwamwakyalala, amaka ga Kyala, itolo mumo une ngulumbilila Ilyene lilino, nasiku ngasemamo i inchi yimoyene ukufuma ku kalikosa ka Ilyene. Kyala asetwile fingipo ifya Ilyene kwa une, bo Umwene ikusetula Ilyene, une itolo ngumilisya ukutwala Ilyene nkyeni. Umwene atikwegamo siku ukufuma ku iki kyayaga, Umwene ikumilisya ukongelelapo ku Lyene.

119 Une nalimile pasi pala akabalilo kako kifuki abandu bamia bahano balimile pa filoboko, bikwimba, “Pa filoboko fya Yorodani ifyambelo une ngwima, kangi nguketa ni kisige ikyakunyonywa, ku kisu kya Kenani ikinunu kangi ikihobo, kuko ifyabukabi fyangu filambalele. Akabalilo kako une ngufika ikiloboko ikyabukafu kila nukuya kwabwilanabwila nsayigwa, akabalilo kako une nisakufika nukuya mwa Tata gwangu. . .kangi bwilanabwila ngutusya?” Akabalilo kako abene balinkwanda ukwimba ulo, une nammwegaga u ndumiana panja nkati nkisoko ukumosya umwene panja pala mu Ngamu ya Ntwa Yeso. Une ndinkuti, “Gwakumwnya Tata, bo une nguntwala undumiana uyu kwa Ugwe pa bwilate bwake. . .” Itolo u ndumiana, nimwene, ndinago amapicha gala ga ikylene ku kaya. Une ndinkuti, “Akabalilo kako une ngumosya umwene na misi, Ntwa, pa bulate bwake, mu Ngamu ya Yeso Kristi, u Mwanundumiana gwa Kyala, Ugwe mmwisusya umwene na Mbepo Mwikemo.” Kangi kifuki akabalilo kala i Kindukimo kilinkusosya ukafulafumbi, kangi apa Ikyene kikwisa kikusyungutila pasi, u Lutondwa u Lumulike kangi Lwalubunju lulinkwima pala. Pala palinkwima u Lumuli lula ulu umwe mukulubona pala pa picha. Pala Ikyene kilinkwima.

120 Ikyene kilinkubuka ukusyungutila i kisu, kubutali kumwanya ku Canada nu kusyungutila. Abene balinkuti, “U Lumuli ulusitakulinganisigwa lukuboneka pamwanya pa ndumbilili gwankaya gwa ki Baptisti akabalilo kako umwene osyaga.”

121 Amasiku manini aga gakindilepo, akabalilo kako Dokotala Lamsa alisile kwa une, kangi akamenyemo siku nakimo ikya ikyo, kangi alindwalile une i kipicha, iki u nkundwe alinakyo ikylene kula nu mwene lilino. Ngimba ugwe uli nakyoye ikipicha kila? Ngimba uli nalyo i Bangeli na ugwe, lilambalele pala, ikylene kili mwa buku gwako? Umma ndaga. Pala kyalipo

ikipicha kya ikikuulu ikyaiyolo ikya kiHiburi ikimanyilo kya Kyala, itolo katikati ikyo iki kyaliko mmasiku ga Yobu, bo likali i Bangeli likasimbigwamo siku. Kyala mu fyakumbagilila Fyake fitatu, komma abakyala batatu. Yumoywene Kyala mu fyakumbagilila fitatu: Tata, Mwanundumiana, kangu Mbepo Mwikemo, mbubombelambombo mutatu mumo Kyala abombilemo. Komma abakyala batatu, ifyakumbagilila fitatu! Kangu pala Ikyene kyali. Akabalilo kako unnyambala unkulumba yula, Dokotala Lamsa, ukusanusya kwa i Bangeli lya Lamsa, akabalilo kako umwene ayobege ulubunju ulu... Akabalilo kako une nalimbulile ikyo, une natile—une natile, “Ngimba ikyo kyo kimanyilo nki?”

<sup>122</sup> Umwene alinkuti, “Ikyo kyo kimanyilo kya Kyala ikyaiyolo, mu kiHiburi. Kyala, yumoywene Kyala ntiga mu fyakumbagilila fitatu.”

Une ndinkuyoba, “Bo yu Tāta, Mwanundumiana, kangu u Mbepo Mwikemo?”

<sup>123</sup> Umwene alinkwima, kangu umwene alinkwibika ikikopo kya kofi pasi, umwene alinkungeta une. Gene, ngwitika ugwe gwaali kula, Leo. Alinkuti, “Ugwe kwitika ikyo?”

Une ndinkuti, “Ni ndumbula yangu yosa.”

<sup>124</sup> Umwene alinkuti, “Nkilo kya mmayolo, nimile mu lukomano lwako, Nkundwe Branham, une naketile ukumanya-sya-mundumbula kula. Une ngakibonamo siki ikyene pabutasi mu America, ikisu kyangu.” Umwene alinkuti, “Abandu aba kiAmerika bakalimanya nili Bangeli. Ikindu kyene iki abene bamenye kyo kipanga-kipaguke kyabo. Abene batikumanya napapo abene bikwima.” Alinkuti, “Abene bakamanya nakamo.” Umwene alinkuti, “Loli akabalilo kako une naalimile pala nkilo kyammayolo,” alinkuti, “Une ndinkuti...” Lilino, Nkundwe Gene, une itolo nguyoba nu lugindikiko nu lugano na lulo. Umwene alinkuti, “Une ndinkuti, ‘Yula abagile ukuya nsololi.’ Loli akabalilo kako une ngetile ukuti ugwe kwitika ukuti Tata, Mwanundumiana na Mbepo Mwikemo bakali bakyalala batatu mma, ifyene fyaali fyakumbagilila, polele une mmenye ukuti ugwe gwe nsololi gwa Kyala, kisisita apo ikyene angali kitikusetuligwa kwa ugwe bo ulu mma.” Umwene alinkuti, “Ikyo kyo kimanyilo ikipelelesye.” Alinkuti, “Une ngabombamo siku...” Alinkuti, “Ugwe ukaya gwa Bumobwene?”

<sup>125</sup> Une ndinkuti, “Umma, nkulumba. Une ngaya gwa Bumobwene mma. Une ngwitika mwa Kyala ukuya Kyala Mwenemaka, kangu ifyakumbagilila fitatu fyo itolo fyakubombelamo fitatu ifi u Kyala yumoywene itugasya ngamo.”

<sup>126</sup> Umwene alinkuti, “Sayaga indumbula yako!” Umwene alinkuti, “Ilisiku limo ugwe kwisakona ililopa lyako pa kisu

panongwa ya ikyo, loli,” alinkuti, “abasololi akabalilo kosa bikufwa panongwa yabo.”

<sup>127</sup> Kangi une ndinkuti, “Popapo unko ikyene kiyege, linga ikyene kikunhobosya u Ntwa.” Ubusanusi bwa iBangeli lya Lamsa.

<sup>128</sup> O, ikyene kyo kyabwanaloli fiyo. Ngimba to tubalilo tulinga, bo mumo une nguyoba ku kipanga iki, bo mumo Samueli aayobile bo abene bakali bakansala Sauli, “Bo ugwe ukaali ukabuka panja nukwakwingila ikipanga-kipaguke kimo lilino, nukwakwiyegele gwimwene ukwipinyania mosa mu luko lumo lwa bwiputi, nongwa ya fiki ugwe utikundeka u Mbepo Mwikemo akulongosye ugwe?” Nongwa ya fiki ugwe utikumwega Kyala ukuya Ndongosi gwako nukundeka Umwene akusaye ugwe, kangi ibwa isya kipanga-kipaguke kyako? Lilino, une ndikuyoba komma ukwingila ikipaguke kilikyosa kya kipanga, ugwe ingilaga ku kilikyosa ugwe kulonda. Ikyo kyo kili kwa ugwe. Loli une ngukubula ugwe, ukuya pa gwimwene, ugwe mwitikisya Mbepo Mwikemo ukukulongosya ugwe. Ugwe bala i Bangeli. Kangi iki i Bangeli likuyoba bomba, ugwe bomba ikyene. Kyala akusaye ugwe.

<sup>129</sup> Kangi lilino une ngülile akabalilo katali. Une nguswiga linga balipo balibosa apa aba balondaga ukwisa ukukinda mu lukindi lwa lwiputo ukwiputiligwa. Linga abene balipo, babagile abene ukufyusya amaboko gabo. Yumo itolo, babili, batatu. Umma ndaga. Umwe mwesa isaga papapa pamwanya apa nukwima apa polelo linga umwe mukulonda, pa kabalilo aka, kangi—kangi uswe twisakuyaga nu lwiputo. Kangi polelo uswe tuli . . . Une ndikulonda umwe ukusokapo tasi. Une ngulonda naloliloli ukubomba ikindukimo ikingi apa itolo bo tukali uswe—uswe ukwigala.

<sup>130</sup> Balinga biganile ulufundo lwa Buku gwa Bagalatia . . . o, une ngusanusya Baefesi? Lilino, Kitatu nkilo, uswe tukuyaga pakubuka mu Fungilo. Kangi polelo pa Ndungu ugu gukwisa kulubunju, uswe tukubuka mbuyo-bwake ukubika ikipanga. O, linga . . . uswe lumo twisakufikaga mula pa ikyo, pa iki kikwisa Kitatu nkilo, kwa umwe bandu kuno mu Jeff. Mbuyo-bwake ukubika ikipanga kuko abene baliko, aligwesa yumoyumo. Mumo uswe tubilikigwe ukwisila mbufwikigwe. Kyala atufwikile uswe ukuya banabalumiana, uswe yuswe banabalumiana ukwisila mu bupapigwe. Tufwikigwe kangi mbuyo-bwake tubikigwe na Mbepo Mwikemo. Keta! Abene bali balibosa baHiburi, akabalilo kako abene bakilenie ikisoko, loli Yohua ayabenie ikisu nukumpa aligwesa yumoyumo ikisu kyake ukufwana nu buyobelo bwa mama gwake pa bupapigwe, kuko u Mbepo Mwikemo aalimbulile umwene.

<sup>131</sup> Nketa Yakobu akabalilo kako umwene afwaga, u nsololi, afwil’amaso, alinkukwaba amalundi gake mmwanya nkitala,

alinkuti, “Isaga kuno umwe bana ba Yakobu kangi une nisakubabula umwe kuko umwe mwisakuyaga ku lisiku lwabumalikisyo.” Lwimiko! O, une mmenye mbagile ukuboneka gwakihesya. Abandu kibagile ukuboneka ukuya bakihesya. Loli, o, linga ugwe itolo gwāmenye u—u busisimikisye, u—u bokye mu ndumbula! “Isaga kuno kangi une ngukubulaga umwe kuko umwe mwisakuyaga mmasiku ga bumalikisyo.” Kangi une mbagile ukwega lilalila i Lisimbo lila, nukwega a mapu ga kuko abaJuda bikwitugasya umwisyugu nukusisimikisya kwa umwe abene bali katikati pa buyo bulabula ubu Yakobu aayobile abene bikuyaga mmasiku ga bumalikisyo. Kangi abene bakayilemo siku, kula, bakayamo siku pa buyo bula mpaka abene bagomwike ukufuma Meyi ugwa kihano-na-kibili, 1946, ikilo u Gwandumi gwa Ntwa abonekile kwa une pamwanya pala kangi āyobile pa butumigwe ubu. Kangi une mbagile ukubanāngisya umwe ikyo, akabalilo kako abene bikugomokela nkisu ikipya, abene balinkutika katikati amabuyo kuko Yakobe ayobile abene bikwitugasyaga. Kangi pala abene bikwitugasya pala umwisyugu. O, o, mwe, o, mwe! Uswe tuli ilisiku limo kifukiko ku Kaya, kyo kyosa.

<sup>132</sup> Umwe mwe bandu bapala, umwe mwe babine, kisita ikyo umwe angali mutikwima apa itolo ukuti mwimege. Une ne nkundwe gwinu. Une ndinako ukutumigwa ukufuma kwa Kyala ukwiputula ababine. Komma ukuya kyangu. . . ukuti une ndinago amaka ukubumbulusya mma, une ngaya nago. Loli une ndinago amaka ga lwiputo. Bo mumo une njobile ulubunju ulu, Davidi akali nakyo kakimo loli kakanini akafyata, loli umwene alinkuti, “Une mmenye iki ikylene kisakubombaga na maka ga Kyala pa kyene.” Muketile? Une ndinalo lwene ulwiputo ulunini ukupa kuli umwe, kangi amaboko gangu ukwala pa umwe, loli une mmenye iki u lwitiko mwa Kyala lwisakubomba. Ulwene lubombile kuli abangi, ulwene lwisakubomba kuli ugwe. Ugwe itika ukuti lilino bo ugwe kukanya papapa pamwanya, itolo kifukipo panini ku buyo.

<sup>133</sup> Lilino, une nguswigwa, ukutendeka iki ukuya kyengo fiyo, linga une angali ndikunsuma unkundwe gwangu ukwisa apa nukupaka abene na mafuta. Ngimba ugwe kubombaga ikyo, Nkundwe Neville? Une ngulalusya ikipanga linga umwe mwisakwinama mu lwiputo.

<sup>134</sup> Lilino kumbukilaga, undungu ugu gukindile akabalilo kako une nāli mbine fiyo na gala agaiyolo amafuta ga nyemba, une angali itolo ngupapo kilikyosa linga umunduyumo abagile ukwisa pala nukwala amaboko pa une. Linga une nabagile ukuya nayo umunduyumo ukwisa pala, uyu Kyala alinsayile kangi nukuntula, une angali fiyo ngupalisya ikylene. Umwe mwesa mukwipilika mpaka lino ngati une nabombelaga akabalilo kala. Umwe mukwipilika lilino umwe mukulonda une ukubomba itolo ngati une nalondelaga

umunduyumo ukumbombela une akabalilo kala. Kyala mwiko une ngayisasamo siku imbombo. Unko une akabalilo kosa, kali une ngatele, kuko une ndi monywa, kuko une kifuki ngutoligwa ukwenda ikilundi kimokyene ukufuma ku kingi, unko une mbuke, panongwa yakuti une ngubuka ukwakwagana na aligwesa gwa umwe kangi, ukukilania mu Kisu kila ukukilania kula.

<sup>135</sup> Polelo umwe bakikulu bakangale, abanyambala abakangalepo, abakonyokele pasi, inywili syambuha kangi sikugwila pasi, nukwigwila ntupatu ngati ililuba ili ligwile ubupande bwake, likutaga pasi utwani twake nukugwila pasi, umwe mukwisa itolo ku tupatu, bule umwe? Uko ko kutalusya. Itolo. . .Kangi ikindu kyene iki umwe mukulonda ukwitugasya palikimo kyo kubumulike bwa lwimiko lwa Kyala. Popapo akabalilo kako undugu akukamandenie ugwe lilinu nukubopela panja, une ngwisa ni fyata ya Kyala, nu lwitiko, ni kikungilwa iki Kyala alimbele une. Apa kilipo iki une njobile, ukuti umwe mupilikisyege. Une ndinkuti, “Linga Peteri abagile itolo ukwingila, pamo bamo mwa bene.” Komma ukuyoba ikyo. Ugwe utikufimbilisigwa ukwiputula une. Itolo ukwingila nkati ngati iki, nukuyoba, ngati ku nkikulu uyu, kuyoba, “Ngimba ugwe gwe Kalumbu *Gwakuti-na-gwakuti?*” Ngimba ingamu yako yogwe ywani? Kalumbu Howard. Tuyobe, “Ugwe gwe Kalumbu Howard. Ugwe uli mwitiki, Nkundwe Howard? Ugwe kwitika. Ugwe gwe mwitiki. Polelo, umwe muketile, umwe muli ni fyabwabuke ku syosa isayo syabutabililo.” Polelo une angali nguyoba, “Kalumbu Howard, kilikyosa kisakuyaga kanunu,” nukusokapo. O, bule. . .Une ndinkuti, “Une āngali ngulāta. Une angali nguywega,” Une āngali nguyoba, “Gwentwa, ikyene kibagile itolo ukuya. Ikyene kibagile itolo ukuya.”

<sup>136</sup> Kangi une ndinkwinogona, “Mulimosa, abandu bikwinogona ikindu kilakila kila akabalilo kako une ngwisa ukwiputula abene.” Polelo ikyo kyo iki. Umwe muketile ifi une ngusanusya?

<sup>137</sup> Kangi une nimile, utubalilo twingi, nukwega abandu, nukuyoba, “O, mwe, kalumbu, ngimba ugwe kwitikaga Ikyene? O, ngimba ugwe kwitikaga Ikyene?” “Gwentwa, O Kyala, bapelaga abene bitikege Ikyene. Yaga na bene ukwitika Ikyene.” “O, nalamba, ngimba umwe mwisakwitikisya Ikyene lilino?” Ikyo kikaya ikyene mma. Une ngindile ukufuma kula. Une mfwile ukufuma ku ikyo.

Une nguyoba itolo iki, “Kalumbu Howard, ugwe mwitiki?”

“Ena, une ndi.”

<sup>138</sup> “Umma ndaga, Kalumbu Howard, linga ugwe gwe mwitiki, ugwe gwe mwingilakilingo ku kilikyosa iki Kyala alinakyo.” Kangi itolo ega ikiboko kyake. Muketile, une ngwitika ikyo. Une ngufikila Kalumbu Howard ukwisila mu kwala amaboko gangu

pa mwene. Yeso akayobilemo siku “iputila abene,” Umwene ayobile, “Itolo ala amaboko gabo pa bene.” Ikyo kyo ikylene, polelo umwene ikubumbulusigwa. Umwene abagile ukuyoba, “Filifyosa fikuyaga kanunu fyosa,” Kalumbu Howard. Polelo ugwe ubagile ukubuka ku kaya nukuya kanunu. Kyala akusaye ugwe.

<sup>139</sup> Ugwe yugwe Kalumbu... [U kalumbu ikuyoba, “Hampton.”—Nsimbi] Kalumbu Hampton, ugwe yugwe mwitiki, bule ugwe? [“Une ndi.”] Ugwe gwe mwingilakilingo ku kilikyosa iki Umwene aapele. Kyala ayege na ugwe, Kalumbu Hampton. Ugwe bukaga ku kaya nukuya kanunu lilino. Yeso Kristi ikukubumbulusyaga ugwe.

<sup>140</sup> Ugwe yugwe Kalumbu... [Nkundwe ikuyoba, “Slaughter.”—Nsimbi] Kalumbu Slaughter. Isyo syo... Ugwe gwe yula uswe twakwiputile ku kipatala. Ugwe yugwe mwitiki, polelo, Kalumbu Slaughter, umwingilakilingo ku fyosa ifi uswe tukusuma. Kalumbu Slaughter, ugwe uli ambulilaga iki ugwe usumile, kangi yaga kanunu. Kyala isakukupaga ikylene kwa ugwe.

<sup>141</sup> Nkundwe Gene, ugwe kwitika ukuti Kyala isakukupaga ugwe? [Nkundwe Gene ikuyoba, “Ena, nkulumba. Ena, nkulumba.”—Nsimbi] Kangi u Ntwa Kyala alikupaga ugwe, Gene, katikati iki ugwe kusuma!...?...

<sup>142</sup> Une ngumenye ugwe. [Kalumbu ikuyoba—Nsimbi] Ugwe uli mwitiki, kalumbu. Une ngumenye ugwe. Uyu yo ndume gwako pala. Umwene yo yula une nalimmwiputile pa foni ilisiku lila. Une akabalilo kosa ngukumbukila ikyo. Ndinkutoligwa ukubuka ku lukomano mu Tulsa. Ngwisa ku lukomano. Kangi u Ntwa alinkumbumbulusya umwene, alinkuntuma umwene ku lukomano. Mu bwimililo ugwe kwimilila umunduyumo uyungi. [“Akipwa kangu.”] Kyo kindi kya Kikristi kiki ikylene kili, kalumbu! Muketile? Umwene āli mbwimilili yōpe, Umwene ātwimile twesa ba uswe. Ugwe gwe mwitiki kangi uli nu bwabuke ku kilikyosa iki Kyala āfingile. Une yone mbombi Gwake. Kangi mu Ngamu ya Yeso Kristi, une ngukupaga iki ugwe gwasumile.

<sup>143</sup> Isaga, Nkundwe Neil. Kyala akusaye ugwe. Ayile nnunu fiyo kwa ugwe. Ugwe yugwe mwitiki. Une ngumenye ugwe. Une ngwitika ukuti Kyala ikukupaga ugwe kilikyosa ugwe kusuma, kabuno ugwe yugwe mwitiki. Kangi ukuya mbombi Gwake, kwa ugwe, nkundwe gwangu, mu Ngamu ya Yeso Kristi, une ngukupaga ugwe ikinyonywo kya ndumbula yako. Bukaga kangi ambulilaga ikylene. Kyala akusaye ugwe.

<sup>144</sup> Kalumbu Bruce, une ngumenye ugwe. U nāsi unnini uyu agusaga inyuma yangu ākumenye ugwe. Umwene afumile pasi pala kifuki Motel JJ, Twin J, pamo ikindukimo bo iko. Ugwe kwisakwimila abangi. Kangi ngimba ikinyonyo kyako kyo fiki



ukufuma kwa Tāta gwako? [Kalumbu Bruce, “Kwa nimwene ikilo iki.”—Nsimbi] Kuli gwimwene, ikilo iki. [Kalumbu Bruce ikuyoba kangu.] Polelo, undugu akuyugenie ugwe ukukinda ubufikile bwa nganga, loli une ngwisa ukufwima ugwe, ni fyata. Kangu mu Ngamu ya Yeso Kristi, une ngutalusya undunda gwa fyata ku lyalabwe ili lifikile mu figo mu kayilo kakwigala injila. Ukwene kukutwalaga ugwe ukugomokela kwa Kyala, ku nyumba Yake.

Uswe tukusumile Ugwe, ukwisila mu Ngamu ya Yeso Kristi. Ameni.

<sup>145</sup> Ngimba ugwe tata gwa mundu uyu, nkulumba? Ngimba ugwe yugwe mwitiki? [Nkundwe ikuyoba—Nsimbi] Ikisene mu lubafu lwako; kūsi, kangu pa lubafu lwako ulwakukimama. Ngimba ugwe kwitika ukuti Kyala ikukupaga ikylene kwa ugwe, nkulumba, kangu ukuya mbombi Gwake?

<sup>146</sup> Ntwa, ikiboko iki lumo kibombile imbombo nyingi sya lisiku. Kisile apa kuli u lubingililo, ikindukimo ukubomba. Paga ikylene, ikinyonywo kya ndumbula yake, Tata, mumo une ngwiputa mu Ngamu ya Yeso ukuti Ugwe kubombaga. Ameni.

<sup>147</sup> Komma ukwilamwa. Ikisene kila kisakuleka ukukubaba ugwe kusi kula, kangu ugwe kwisakuyaga kanunu mosa. Kyala akusaye ugwe...?...

<sup>148</sup> [U kalumbu ikuyoba, “Kikubabisya untu gwangu kangu ummilo gwangu, kikubabisya imbafu syangu akabalilo kako une ngukosomola. Une ngabagila ukwimba. Une ngabagila ukubomba nakimo. Une...?...Kangu une ngabagila ukugon’utulo fiyo mma. Ngabagila ukubomba nakimo.”—Nsimbi] Ugwe gwe mwitiki, bule ugwe? [“Une ndi. Une ne nisusigwe na Mbepo Mwikemo.”] Ugwe gwe mwitiki. [“Une mmenye ukuti Kyala ikwitugasya nkati.”] Kangu ugwe uli—ugwe uli gwa kilingo ku syosa isayo isi. [“Une mmenye. Kangu une ngwitika. Kangu une ngwitika mu inyiputo syako, Nkundwe Branham. Une ngwitika ukuti Kyala ikumbumbulusyaga une. Une ngwitika ukuti Umwene ikwamula inyiputo syako.”] Ndaga ugwe.

<sup>149</sup> Tata, une ngutwala uyu, ilumbu gwangu, ndukindi lwa butusulilo, mu nkati mwa kyakutusulila. Kangu une ngungomokesya umwene kwa ugwe, ukufuma ku bukamande bwa ndugu, mu Ngamu ya Yeso Kristi. Ameni.

<sup>150</sup> Ikyo momumo itolo ikylene kikuyilaga.

<sup>151</sup> [U kalumbu ikuyoba, “...?...Une ndinalyo ilibagaya likufwa, kangu limo lyafwile.”—Nsimbi] Ubupanje bwa libagaya.

<sup>152</sup> O Ntwa, bo mumo u nkikulu unkeke uyu ikwima apa, loli mu butegeke bwa butubwa, une ngunsumila umwene. Kangu ilibagaya ili angali likufimbilisigwa ukusosigwamo, kangu umwene abagile ukwinamilaga pasi, ubumi bwake bosa

ubu busyele. Ugwe yugwe Tata gwitu, kangi une ngutalulila ubutusulilo bwa lwiputo palapala pa mwene, Ntwa, palapala ukutalula ku libagaya. Une ngutuma ulwiputo ulu mu Ngamu ya Yeso Kristi. Ulwene lulitikaga ilibagaya lila nukulibumbulusya ilyene. Mu Ngamu ya Yeso Kristi, une ngusuma iki. Amen.

<sup>153</sup> Ugwe gwe Kalumbu. . . [U kalumbu ikuyoba, “Kalumbu Gibbs.”—Nsimbi] Kalumbu Gibbs. [“Kunyuma kwa mutu gwangu, une ngwagako ububabe kunyuma kuno.”] Kunyuma kwa mutu gwako, ububabe bwakukwaba. Ugwe yugwe mwiti kangi mwingilakilingo ku syosya isayo sya Kyala, Kalumbu Gibbs.

<sup>154</sup> Ntwa, une nguntwala umwene kwa Ugwe, na aka akanini akafyata aka Ugwe umbele une, bo Ugwe umpele Davidi i fyata, ukuketesya ing’osi sya gwise. Kangi linga u ndugu ikwisa nkati ukwufwima i ng’osi, umwene akayaga gwakutilla mma. Umwene alinkupimba mmwanya akafyata akanini kala nukubuka kulakula ukufwima ingalamu ni—ni findingo, kangi umwene alinkutwala ing’osi ukugomokesya. Ulu lo lwiputo lwa lwitiko. Ugwe gwalimbulile une linga une nabagile “ukubatwala abandu kukwitika nukuya banaloli—ndumbula.” Une nguntwala Kalumbu Gert ukugomokela ikilo iki. Une ngunyaka umwene ukufuma ku maboko ga ndugu. Umwene yo ng’osi Yako. Une ngutwala umwene ukugomokela ku kibaga kya Tata, mu Ngamu ya Yeso Kristi. Amen.

<sup>155</sup> [U kalumbu ikuyoba, “Kalumbu Lowe.”—Nsimbi] Kalumbu Lowe. [“Une ndinako ukubopa kwa lilopa.”] Ukobopa kwa lilopa kwapamwanya. Kangi ugwe gwe mwitiki, bule ugwe, Kalumbu Lowe? Umwingilakilingo ku lusayo lösa.

<sup>156</sup> Polelo, Tata Kyala, une ngutalulisia ulwiputo ulu ikilo iki, bo ukufuma ku fyata ya Kyala, kuli kukubopa kwa lilopa kwapamwanya kwa Kalumbu Lowe. Kangi akabalilo akakonge u nganga ali egaga ukubopa kwa lilopa, umwene alinketaga umwene nukuyoba, “Ukwene kuli mwa bwila lilino.” Umwene isakumenye ikyene. Mu Ngamu ya Yeso Kristi, une ngukipa ikyene. Amen.

<sup>157</sup> [Nkundwe ikuyoba kwa Nkundwe Branham—Nsimbi] Ena. Une ngunyonywa nali na baba gwangu apa ikilo iki, une angali ngumpa ulwiputo kuli umwene lululu lilino. Une nisakubombaga kuli ugwe, nugwe. Une ngupilikisya.

<sup>158</sup> Gwakumwanya Tāta, u nnyambala uyu ātelile u ndumiana uyu, ukuti umwene ali apa pa kisu panongwa ya umwene. Kangi u mwanundumiana gwake mwene ikunyonywa ukuti ugwise isakugomoligwaga; kubutali kula nkisu kya butulwanongwa, kinwelwa. O Ntwa, une ngutuma ulwiputo ulu nu lwitiko na maka, kangi na fyosa ifi une mbagile ukusopa ulwene, akabwe abanini aka, mu Ngamu ya Ntwa Yeso. Une ngufyata ulwene kwa mohesi uyu abikile ikindu kila kikamandigwene kula. Kangi

ikyene kilindekaga umwene. Kangi umwene ali isaga ku kibaga nubuponesigwe, mu Ngamu ya Yeso. Ameni.

159 [Nkundwe ikuyoba, “Nyiputila une, Nkundwe Branham, ukuya na Mbepo Mwikemo. Une ngulonda ukwambilila u Mbepo Mwikemo. Une ngufimbilisigwa. Une ndinakyo ikinyonywo. Une mbagile ukwambilila Mbepo Mwikemo.”] Ugwe uli nakyo ikinyonywo ukwambilila Umwene. Ugwe kulonda ukwisa mu Kisu kuko syosa ifingo sili. [“Ena.”]

160 Kangi lilino, Ntwa, undumiana uyu yo itolo kwisilya kwa kisoko, ikugonela ku lubafu ulungi, kangi Yorodani ikwisula. Kangi yikayapo injila nayimo kuli umwene ukukilania pene papo Ugwe kutendeka injila bo mumo Ugwe gwabombile kuli Yoshua kangi kuli Israeli. Kangi, Tāta, une ngukusuma Ugwe, ukuya mbombi Gwako, unko ukundwe gwitw umpala, O Kyala, unko umwene ingile mu Kisu ikifingigwe iki, ulufingo ulu. Ukuti, pa lubafu ulungi, bo mumo une napimbiligwe ikilo ikingi, une ndiyaga nu lusako lwa kunkola umwene nukusopa ingongi syangu ukummubatila umwene, mu Kisu ikingi, ngukuyoba, “Nkundwe Gwangu umpala.” Tupaga ikyene, Ntwa. Umwene ali ambililaga lufingo lwa Kyala, u Mbepo Mwikemo. Ameni.

161 O Ntwa, kwa uyu, ukundwe gwangu umpala; ikiboko iki kikyo kyāyaga kyakisa kwa une, kangi kibombile ifindu kuli une, ifyo fisitakuyobigwa. Umwene ikwitika kangi ali nu lwitiko. Kangi lilino u ndugu ikugela ukukamata uyu, umwinangu: sukali. Kangi umwene ikwinogona ukuti umwene—umwene abagile ukunkamata undumiana uyu. Loli une ngwisa ukumfwima umwene. Une ngwisa, ukungomolela u Gwako Mwene, Ntwa, ukufyata ibwe ili nu lwitiko lwa nyango. Mu Ngamu ya Yeso Kristi une ngutika yila imbungo ya sukali!...?...u nkundwe gwangu. Ukutwala ukugomosya i Yako Yene ing’osi ku kibaga, Tāta, mu Ngamu ya Yeso. Ameni.

[Kalumbu Bell ikiyoba nu Nkundwe Branham—Nsimbi]

162 O Ntwa, u kalumbu gwitw amenye ukuti ukuya nsito ukukindilisi uku kyo, mumo abaganga bikuyobela, kyo kindu iki kikukugoga ugwe. “Ilipaundi lililyosa, ukukind’ubusito, likwegapo ikyinja kimokyene,” ukufwana na kalendala ya insyulansi. Kangi umwene ikulunda ukuya mumi ku lugindiko nu lutufyo lwa Kyala. Kangi akayapo nayumo u nganga abagile ukubomba iki, Tata Kyala. Ikyene itolo kili mu—mu kiboko Kyako. Kangi Kalumbu Bell ayile gwakusubiligwa fiyo. Kangi umwene ayile gwakisa kangi gwakutula mu ngelo, ukubukamo ukukinda. Umwene abukilemo mu ngelo insolofu. Une ngwisa kuli umwene ikilo iki, Ntwa. Une ngwisa ukwagana nu ndugu yula kwisilya. Une ngutalusya nu nyango yosa mumo une mbagile ukutalulila. Mu Ngamu ya Yeso Kristi un ngutūnya ilibwe lila lwa lwitiko ku ndugu uyu yuyo ankolile umwene. Ilyene lilimalaniaga umwene,

nukumbopesya umwene ukusōkapo ukufuma ku mwene, kangi umwene isakuyaga mbagile ukugomokesigwa ku ndeka indekete syankipepo na misi amelu, ukwisila mwa Yeso Kristi. Amen.

Ikyene kisakuyaga, Kalumbu Bell. Itolo komma ukwilamwa.

<sup>163</sup> Kalumbu Spencer. [Kalumbu Spencer ikuyoba, “Nkundwe, Nkundwe Bill, une ngungana u Ntwa kanunupo ilisiku lililyosa une nguya mumi. Kangi une ngwisa kuno ifyinja malongo mabili, mu buyo ubu. Kangi une mbumbulusigwe ku kifuki kilikyosa iki nalinakyo siku nulutamyo na une. Ugwe kukumbukila syosa isya ikyene, kangi. . . ? . . .”—Nsimbi] Une naloliloli ngubomba, kalumbu. . . ? . . . [“Kangi Umwene asayile una fiyo! Kangi une ngungana Umwene kanunupo, ilisiku lililyosa lya bumi bwangu. Une mmenye une njile nu bumi ubununu mwa Ntwa.”] Une ngwitika ikyo, Kalumbu Spencer. [“Une nhobwike. Une nhobwike! Linga uyu akaya Mbepo Mwikemo une ndinagwe, une—une ngāli pa kigemo panongwa ya kilikyosa Umwene alinakyo kuli une, kangi Une nguyaga pakufwila pa kigemo.”] Amen. [“Ikyo kyo iki une ngulonda Umwene ukubomba kangi une nafwaga pa kigemo na Yeso.”] Amen. Kyala akusaye ugwe. . . ? . . . Amen. [“Kangi une ngukubulaga ugwe iki une ngulonda ugwe ubombe. Ugwe umenye, Noa ālyēgile ikikolo kyake kyosa nkati nu mwene, kangi une ngulonda ikikolo kyangu kyosa. Ugwe umenye une ngulonda abaganigwa bangu ukupokigwa.”] Une ngupilikisya. Abana bako. Uko ko kotalusya. [“ . . . ? . . . abana bangu.”] Ena, mama. [“Kangi undume gwangu.”] Ena, nkulumba, une. . . [“Mumo ugwe umenye fyosa ifwakufwana ni kyene.”] Ena. [“Ugwe gwiputile kuli uswe.”]

<sup>164</sup> Uswe twesa twisibile na Kalumbu Spencer, kangi tumenye ukuti mumo umwene nu Nkundwe Jess bakindilile ukwitugasya ukukinda mu bugengelemia, loli kuko balipo bisile ukusuluka ukukinda ku kipanga apa. Akabalilo kako une ngukilania ku lubafu ulungi, abene batisapepulukaga mula bo ulu mma. Abene bisakuyaga bakeke. O! Nkundwe Jess, linga une itolo. . . ? . . . ugwe umenye. Kangi polelo umwe mwesa mumenye mumo, itolo—itolu ukukilania akanini. . . ? . . . kwisilya, ugwe kugomokela kwa yula unganigwa undindwana unkeke kangi, kangi Nkundwe Jess ukubuka ku ndumiana unkeke. Kyala āfingile kwa ugwe.

<sup>165</sup> Lilino, keta. Une ngulonda ukupa ugwe itolo akanini akanandi akapatu ka ubumanyili, pakuti ugwe yugwe gwabumalikisyo apa, une ngulonda ukupa.

<sup>166</sup> Nongwa yakuti, une numenye undumiana unnini uyu yo ndumiana gwako unnini, Charlie. Ugwe kulonda akene kiputiligwe? [Nkundwe Charlie ikuyoba, “Ena.”—Nsimbi]

<sup>167</sup> Une ngulonda ukuyoba ikindu kimokyene iki. Ngimba ugwe ubalilemo mu Lisimbo kuko i Bangeli lyayobile iki? Pauli

alimbulile u Nsilikali-gwabamia u muRoma.

Ngimba mwesa mubagile ukumbilika kanunu? [Ikilundilo kikuyoba, “Ameni.”—Nsimbi]

<sup>168</sup> Alimbulile u muRoma, akabalilo kako umwene akwabile ulubo lwake, ukwigoga mwene, pamwanya ku Filipi akabalilo kako umwene ali mminyololo. Kangi ikisenyenda kilinkusugania inyumba ya minyololo pāsi. Umwene alinkuti, “Itika pa Ntwa Yeso Kristi, kangu ugwe ni nyumba yako yisakupokigwaga.” Ngimba ugwe ukupilikemo siku ikyo? “Ugwe ni nyumba yako.” Lilino, keta. Linga ugwe uli nu lwitiko lwakufwana kuli ubupoki kuli gwimwene, ngimba ugwe ukabagila ukuya nu lwitiko lwakufwana kuli inyumba yako? Kyala, mu njila yimo, isakubomba ikylene.

<sup>169</sup> Kangi, Ntwa, une ngwiputila Kalumbu Spencer nu Nkundwe Spencer, ikilo iki, ukuti umwana aligwesa, abene ba bana babo, bosa bisakuyaga mu kyalwimiko, i Kisu ikisangaluke kula kuko kutisakuyako ububine nabumo pamo ubukusi bwabukāngāle nabumo, nabumo ubusulumanie pamo ifyakusulumanisa, kangi bosa ubumi ubunini apa bwisakusimililaga ukubuka mu njosi-nyali isi sikindile. Abene bali ambulilaga iki, kangi bosa ba bana bake, kangi undume gwake, bosa abaganigwa bake bala, kangi bosa aba banganile umwene, kangi bosa aba umwene ikubagana, abene bali yaga kula nu mwene, mu Ngamu ya Yeso. Ameni.

<sup>170</sup> [Kalumbu Spencer ikuyoba, “Ameni. Ndaga ugwe.”—Nsimbi] Kyala akusaye ugwe. [“Une nguyaga malongo-lwele-na-fibili, lululu ulu.”] Malongo-lwele-na-fibili ifyinja mbukusi. [“. . .?. . .Loli abene bikufika pakukonyokania pasi, pa bukusi bula. Loli une pōpe ngubomba ukupiya kwangu, ukusuka, kangi ukugolosy’imyenda, kangi ukunosya inyumba.”] Itolo bo mumo ikisu kikubongotoligwa, Kalumbu Spencer. [“Ena, ikylene kili. Une ngatele fiyo, akabalilo kosa. Abene bikukyaga ikylene. . .Une nālindalusisye mama gwangu, u mama gwangu ugwakummwaga, uyu ali ifyinja malongo lwele na kalongo mbukusi, mumo ugwe kwipilikila akabalilo kako ugwe kukangala, akabalilo katali aka kakindile. Umwene alinkuti, ‘Rose, lumo ugwe kuyaga nkatale akabalilo kosa.’ Une ngatele.”] Mulimosa, ugwe itolo gwitendekesye ukubuka kukutusya, ugwe uketile. [“Une ngatele fiyo, akabalilo kosa. Une ngufumba ulutusyo. Une ngufumbwa ikyo.”] Ena, mama. [“Kangi une ngulonda ukutusya mwa Ntwa, pasi pa mafundo gangu. Kili, kilikyosa une ngufumbwa.”] Ena. Itolo kyungaga ulwitiko lwako kanunu mwa Umwene, Kalumbu Spencer, kangi ugwe kwisakukilania. [“Une ngulonda ukufwa pa kigemo, mu Ngamu ya Yeso. Uyo yo yuyo une mbagile ukulonda ukumbona, mpaka Umwene ikumilisa ukukolela.”] Kangi Umwene alinkuti. . .[“Une ngulonda kilikyosa Umwene ali nakyō kuli une.”] Kangi itolo ukuya nsisimikisi bo mumo une ngwimila apa

injila iyi na ugwe, ikilo iki, Kalumbu Spencer, ni lipyana Lyake une nisakukubona ugwe na Jess kwisilya kula, nkeke kangi nkafu. Umwe mwesa mwisakubopaga, mukuywega, “Nkundwe gwangu! Nkundwe gwangu!” Une nisakukubona ugwe.

Indepa syake.

<sup>171</sup> Tata Kyala, undindwana uyu āli nu kubongotoka, kangi umwene atikufikila i mikota. Alipo mwene itolo, iki kikupinga. Loli une ngwisila umwene ikilo iki. Une ngwisa kwa Ugwe, Tata. Une ngwisa, ukukusuma Ugwe ukutalusya ukutusulila kuko une ngufimbilisigwa, ngwisakutusulila. Ikyene kili yaga katicati kyanyango, ifyakutalusila palapala pa nyuma yake. U lwiputo ulu, mu Ngamu ya Yeso Kristi, lulitikaga ulutende lula nukulasulania ulwene ntupatu, nukutwala ukugomokesya i ng’osi iyi ya ndeka ya Kyala. Ameni.

Ikyene itolo kikufimbilisigwa ukuya, lūki.

<sup>172</sup> [Kalumbu ikuyoba, “Iputa itolo. Une nndinabo abana ntāndātu une ngusuma ukuti Kyala abumbulusye kangi apoke.”—Nsimbi]

<sup>173</sup> Kyala gwa Kumwanya, paga ukuti, abana bake ntāndātu aba umwene ikunyonywa ukupokigwa. Umwene apilike ubuketi bula ubwa Nkundwe Daulton, umwanundindwana gwake unganigwa. Umwene ikunyonywa abana bake abahano na yumo, Tata. Umwene aliyaga nabo abene. Abene bali aganaga nabo mu Kisu kila kuko kukayako i kilo nakimo, baponesigwe nubuponesigwe kangi basyungutiligwe ni Lilopa lya Yeso Kristi. Ameni.

Ugwe aliyaga na bene, kalumbu, ulwiputo lwangu.

[Kalumbu ikuyoba kwa Nkundwe Branham—Nsimbi]

<sup>174</sup> Une ngwitika ugwe. Kikayapo nakimo, kifuki, kibagile ukubombela mu bungu. Abene babapele abene akandu akanini aka kakuboneka ngati, o, ikindukimo ngati asetamini. Ikyene yo cortisone, abene bikukikolela ikyene. Kila, kila kikukugoga ugwe, kifuki. Ikyene kikukuswanyulania ililopa lyako mosa lulo. Loli, keta. Uketile, umbungo-ya-fifupa yo yili ngati i ngalamu yuyo akamete i ng’osi nukubopa. Lilino, ngimba ifyata yisakubomba fiki? O, mwe! Yilipo i nywamu, ingalamu yikubuna na kang’osi. Kangi umwene akaganile akang’osi, popapo umwene abopile na kang’osi. Loli Davidi alinkwega ifyata nukunkonga umwene. Muketile? Lilino ketesya. Umwene āli na sangalabwe sihano: l-w-i-t-i-k-o, mwene, n-k-a-t-i. Ifyata yake yāli nkiboko iki: Y-e-s-o. Umwene yo kutusulila kwakugoga. Ikindukimo kikufimbilisigwa ukuboneka. Unko uswe tukonge imbungo-ya-fifupa yila, ikilo iki, ukwisila mu lwiputo ulu. Kyala alipaga ikyene kwa ugwe.

<sup>175</sup> [Kalumbu ikuyoba ku Nkundwe Branham—Nsimbi] Umwene ikulonda ukosisigwa mu Ngamu? [“Umma. Umma.

Umwene akaayobile ikyo.” Ugwe kulonda umwene ukuya osigwe. [“Ikyene kyo kinyonywo kyangu ukumbona umwene osigwe.”] Ndaga ugwe, kalumbu. Komma panongwa yakuti ikyo iyo yo njila. Iyene yo nongwa yakuti. . . Lilino, linga kila kyali mu Libangeli, kuli, “Tata, Mwanundumiana Mwikemo,” Une—une angali ngwitika ikyo, une angali ngwitugasya palapa ni kyene, kalumbu. Une—une angali ndikulonda ukuya nkindane mulimosa. Une—une angali ngulonda ukuya lulalula. Une angali ndikwitikisya. . . Une—une nguyaga gwakwamula panongwa ya kila, umwe muketile. Kangi une ngufimbilisigwa ukuyoba ikyene itolo mu njila *Kila* kikuyobela ikyene; komma ukuya gwakukindana, loli ukuya gwanaloli-ndumbula.

<sup>176</sup> Lilino, Tata, uswe tukwisila abaganigwa bake uyu ali ni mbungo-ya-fifupa, kangi umwene ikulonda umwene ukuya osigwe mu Ngamu ya Ntwa Yeso, namanga ubo buyobelo. Ikyo kyo kipata ikugukano. Uko ko kuko Yoshua äligwile injila yimo iyi yakilaniaga kula mu kisu ikifingigwe. Bukali nabumo bubili pamo butatu amabuyo aga galigwike; bwalipo itolo ubuyo bumobwene.

<sup>177</sup> Peteri, pa Lisiku Iya Pentekosti, akabalilo kako i kyäli i Kipanga kyalyimikigwe akakwanda, ukwigula i njila, alinkuti, “Pinduka aligwesa gwa umwe kangi osigwaga mu Ngamu ya Yeso Kristi.” Nasiku abene ukuti basemilemo ukufuma ku njila yilayila, aligwesa gwa bene alinkukilania mu Kisu ikifingigwe.

<sup>178</sup> Bamo mwa bene bagelaga ukukilania, kubutali kula ku kibaga ikingi, kangi Pauli alinkuyoba ku mwene, “Ku losyo luki ngimba umwe mwalyösigwe? Ko kugu umwe mukugela ukukilania?”

Kangi abene alinkuti, “Pasi apa kuko Yohani aketelaga.”

<sup>179</sup> Umwene alinkuti, “Mulimosa, Yohani asosolaga itolo ku kabalilo, kangi u buyo.” Kangi polelo akabalilo kako abene bapilike iki, abene balinkösigwa ku kibaga ikitalusye. Kangi abene balinkubuka ukukilania, kangi balinkwambilila umpesa gwa Mbepo Mwikemo.

<sup>180</sup> Tupaga ikyene kwa kalumbu gwitu na baganigwa bake, mu Ngamu ya Yeso Kristi. Amen.

<sup>181</sup> Nkundwe Lyle. [Nkundwe Lyle ikuyoba, “Une ngwitika ugwe guli naloliloli ntalusye mwalafyale, Nkundwe Branham.”—Nsimbi] O, nkundwe! [“Nendile pamwanya. . .? . . . Ugwe kukumbukila linga pabagile ukuyapo mu njosi, pala pisaga ikindukimo. . .? . . . Linga ugwe kuyoba injosi, ikyo kyo losa kutalusya. Iyo yo yila une nali nayo. Kuko, ugwe akabalilo kosa kugogwa losa mbutalusye! . . .? . . .”] Ena. Ako ko akabalilo. [“Ena.”] Ena. Une nhobwike. . .? . . . Kyala akusaye ugwe. Ugwe guli pa nsebwe ukubuka ku Kisu ikifingigwe lilino! Lumo une nisakuyoba ikyo.

<sup>182</sup> Balinga bikukumbukilamo siku isya itolo bo ubutumigwa ubu bukāli bukasisimikisigwa kwa une, kangu une ukuya ngulob'iswi nu nnyambala ilisiku limo, pasi ku kisoko, u sumbi? Kangu une nakolaga inswi innini, kangu u Mbepo Mwikemo alinkwisa pa une. Pali alipo u...Uyu unnyambala yo gwa Jehovah Witness, āli. Unnuguna gwake ali apa pabuyobumo, Banks Wood. Umwene ali nkati muno pabuyobumo, uyu yo mpalamani gwangu.

<sup>183</sup> Uyu yo Lyle. Kangu abandu aba bāli ba Jehovah Witness. Kangu abene bayobile, ilisiku limo akabalilo kako uswe twalobag'iswi pasi pala, ukufuma papo undumiana uyu afikile pa kupinduka, une nalimbulile umwene kyalipo ikindikimo mbumi bwake, kangu iki—iki kyabonike, na fyosa fyakufwana ni kyene. Iki, umwene yo itolo lilino ambulile une, kangu umwene itolo lilino akisosyemo ikyene mbumi bwake, uko ko kutalusya, kilikyosa ikyene kyaali. Ikyene kyo katikati kyakutalusya. U gwise yo yuyo aali u—u gwakubala. Ngimba baba ali apa ikilo iki, Billy? [U nkundwe ikuyoba, “Ngamanya.”—Nsimbini] Kangu umwene nu nkasi, bosa-babili, balyosigwe, ukubikila amabuketi mu Ngamu ya Yeso Kristi, muno nkitubwi. Kangu u nnyambala uyu alitugesye kifuki na une, ilisiku limo.

<sup>184</sup> Banks, ngimba uli kugu ugwe? Ngimba umwene ali apa ikilo iki? [U nkundwe ikuyoba, “Kulakula kunyuma mu nguto kunyuma kula.”—Nsimbini] Kunyuma mu nguto. Ena.

<sup>185</sup> Kangu uswe twalobag'iswi. Kangu, nkundwe, undumiana gwangu unnini agogile...Une ndinkwinogona umwene agogile akana ka pusi, amasiku manandi pabutasi bwake. Kala akanini akaiyolo aka mama pusi kali ni kipambo kya twana-twapusi utunini, kangu umwene akapimibile akene mmwanya nukukatagila pasi akene. Une ndinkwinogona...Une ndinkuti, “U Ntwa ikuyaga pakukasyusya akabumi akanini,” mmayolo mwake. Ngimba uko ko kutalusya, Lyle? [Nkundwe Lyle Wood ikuyoba, “Ena.”—Nsimbini] Itugesye mmwanya mu kitubwi. Kangu une ndinkuti, “Uyo yo ISI SYO IKUTI U NTWA.” Kangu uswe twalobil'iswi ikilo kyosa kangu tukakolile nakamo.

<sup>186</sup> Ulubunju ulukonge, uswe twalobagi'iswi, ukugomokela ku katubwi akanini, kuli tumo utugege. Isyo syo iswi inini. Kangu Nkundwe Lyle ali ni mbeja inywamu, kangu umwene alinkukaleka akagege akanini ukumila iyene, imbeja inywamu umwene aali nayo, mpaka, akabalilo kako umwene ayikwabile iyene panja, akalisi akanini kaali mbutali nkati, imbeja inywamu, munda mwa kagege akanini. Kangu akabalilo kako umwene ayikwabile iyene panja, umwene alinkufimbilisigwa itolo ukukwaba na maala na filifyosa ifingi panja pa kagege kala, ukusosya iyene. Kangu itolo akwabile iyene yosa panja, 'nongwa yakuti imbeja inywamu yalikalile pasi munda mwa iswi yila. Kangu akabalilo kako umwene abombile kila, umwene alinkukasopa akene pasi pamwanya pa misi. Kangu umwene



alinkusililika, kana pamo kahano, kangi lula lwaali lo lulo, panongwa yakuti ifyankati fyake ni ngego fyembelaga panja pa kanwa kake. Kangi umwene alinkwelela ukusyungutila pala kuli sinda gwa sala, alinkwelela ukugomokela mula mu singi sila.

<sup>187</sup> Kangi une nalitugesye pala, ngulob'iswi. Kangi nakalinga itolo, u Mbepo Mwikemo ikwisa, alinkuyoba, "Yoba ku'swi yila."

<sup>188</sup> Une ndinkuti, "Ka'swi kanini, Yeso Kristi ikupa bumi bwako kangi." Kangi aka'swi akanini kala, kalambalele kafwile pa misi, kalinkusanuka pa lubafu lwake, kangi kalinkubuka rrrruuti, mula m'misi, itolo nubwengo mumo umwene abagile ukubuka.

<sup>189</sup> Nkundwe Lyle nu Nkundwe Wood balitugesye balipo. Nkundwe Lyle alinkuti, "Nkundwe Branham, kila kyaasanusyaga une, panongwa yakuti une nayobile ku kanini. . ."

<sup>190</sup> Ikilo iki, ngimba une mbagile ukubabula abene iki ugwe gwaayobile? [Nkundwe Lyle Wood ikuyoba, "Ugwe naloli ubagile. Ikyene kyo kyosa kili kanunu, Nkundwe Branham."—Nsimbi]

<sup>191</sup> Umwene alinkuyoba, akabalilo kako umwene akwabile ifyankati ukufuma mwa umwene, umwene alinkusopela pasi panja pala, alinkuti, "Ugwe ulile akabumalikisyo, mwiniti nnini," itolo bo ulo. Alinkukasopa akene panja.

Umwene alinkuti, "Ikyene—ikyene kyaasanusyaga kwa une."

Une ndinkuti, "Umma, Nkundwe Lyle. Ikyo kikali ikyene mma."

<sup>192</sup> Nkundwe Banks kunyuma kula, alinkuti, "Bandu balinga nkisu iki, maelifu malinga, babagile ukwigana ukwima papo uswe twimile lululu lilino, ukuketa amaka ga Kyala gakwisa pasi nukubomba ikindukimo bo ikyo!" Mmasyu agangi, umwene ngati. . .

<sup>193</sup> Une ngusubila uswe twesa twalipilike ngati Peteri abombile, "Ikyene kinunu ukuya apa. Unko uswe tuyenge ifitembe fitatu." Muketile? Uko ko kutalusya.

<sup>194</sup> Lilino, Nkundwe Lyle, ugwe upakigwe na Mbepo Mwikemo lilino. Ugwe undekile Igupti. Indeko sya fitungulu ifikali kangi ifyakinyanyasi fya nkisu filekigwe kunyuma. Ugwe gwimile pasi pa kiloboko kya Yorodani lilino, itolo ukukilania kwisilya. U Kyala alikwegaga ugwe kula; Lyle.

<sup>195</sup> Gwamakagosa Kyala, apa kilipo ikyabuponjoli Bwako. Umwene naloli ali mu butolwe ububibi, Ntwa, loli indumbula yangu yabukile ku mwene. Inyiputo syitu itolo syatikile ubung'ape bulabula bwakusililisa kwisilya, kangi kikindu kila iki kyalinkolile umwene kikindile ukufuma ku mwene. Ikyene king'anyigwe. Kangi lilino umwene ikwenda ukusuluka ku Yorodani. Mmwegelaga umwene ku Kisu ikifingigwe, Ntwa. Kangi mfunga umwene nkati mbandu. Ukuti, pa Lisiku lyalwimiko lila akabalilo kako uswe twisakwagana kwisilya,

une ndi pilikisyaga ububatilo bwa ngongi syake, ikuywega, “Nkundwe gwangu umpala!” “Une nummenye Umwene.” Ntwala Banks mulamula nu mwene, Ntwa, bule Ugwe? Baba na mama, na bosa ba abene, kalumbu, ni kikolo kyosa ikikulumba kila, uswe twesa tuli aganaga kwisilya, Ntwa, na aligwesa gwa bene bayege bisusigwe na Mbepo Mwikemo. Une ngwiputa mu Ngamu ya Yeso. Ameni.

Ugwe kuyambilila Ikyene, nkundwe. Kyala akusaye ugwe, Nkundwe Lyle.

<sup>196</sup> [Yumo ikuyoba, “Nkundwe?”—Nsimbi] Ena, nkundwe. [“Kulipo ukukolela ukwakubutali, kangu u bufwe, fikugulila pa lugoye lwa fonu.”]

<sup>197</sup> Alipo umunduyumo ikufwa, pa bukolele bwa kubutali. Kangu une nisakusanusilaga ububombelo ubu kwa Nkundwe Neville abakalilo kako une ndi nkati mula.

<sup>198</sup> [Nkundwe Neville ikuyoba, “Ilisiku ilikulumba kangu ilinunu mwa Ntwa! Kyala abombile ifindu ifinunu kuli uswe umwisyugu. Ifyakugulila fyangu fifwanikisigwe losa.]

[“Unko uswe twime palikimo, pa malundi gitu.]

<sup>199</sup> [“Kumbukilaga ububombelo polelo, Kitatu nkilo. Yaga bakwiputa fiyo. Syosa insitakwitusigwa, indumbula insitakusisikisya yaga fiyo mbukolelelano na Kyala. ‘Akabalilo kali kifuki. Lilino ko kabalilo. Umwisyugu lya lisiku lwa bupoki.’]

<sup>200</sup> [“Kyala asayage yumo na aligwesa gwa umwe bayaati, umwe bandu ukufuma mbutali. Ulwiputo lwitu lo lwakuti Kyala isakubapaga umwe ikisa kyakwendela, ukugomokela ku mabuyo ginu ga kwitugala. Kinunu ukuya twali na umwe na uswe. Kangu iputilaga uswe bo umwe mukubuka, ukuti u Ntwa isakusayaga mu buyo ubu, mope.]

<sup>201</sup> [“Gwitu Gwakumwanya Tata, bo umbombi Gwako isile ikilo iki, ukubomba imbombo ya mbombi nu nsololi Gwako, ukwima pakati, ifwasi, ukutendeka mosa ulupaso, ikwisa kwa uswe nu ubwikyele bwalupya ulwa mbombi Gwako, ukuya mosigwe na Mbepo Mwikemo, nukumpa ububombelambombo bwa nsololi, ukuyoba ku ngulilo iyi. Tutula uswe umwisyugu kangu ikilo iki, ukwambilila i Ndumi iyi yikwisa kwa uswe, Ntwa, ulukasyo, ukuya bitendekesye.]

<sup>202</sup> [“Sayaga yumo na aligwesa uyu ikubuka ukufuma pa fifigo fya kiyumba iki ikilo iki. Tukulamba ububine ubu buli pa uswe, ubu uswe tutikumanya nakimo isya ubwene, ilipyana ilisayigwa Lyako na maka filitukyungaga nukutuponessa nukubumbulusya uswe, nukutukyunga uswe, mpaka akabalilo kala papo Ugwe gwitendekisye ukutusamisya uswe ku lubafu ulungi. Sayaga bosa abilamwe na basumanisigwe, abalutende, na bala babo bonywa.]

203 ["Kyala, uswe tukusuma ikilo iki ku buyātילו ubwa palubafu, ulusayo lwa Mbepo Mwikemo, ukusengama pa aligwesa umwendanjila, aligwesa ungoneli, aligwesa unhesya mfipata fyitu. Aligwesa yuyo ikubuka panja pa kifigo ikilo iki, tukulamba ikikingo kyakukupilila kya Lilopa, ukufuma ku kipingika kya Kalivari, nubufwane kili kupililaga nu kupa.]

204 ["Bumbulusyaga uswe akabalilo kako uswe tubinile. Tukyungaga uswe ukwisila mu maka Gako agamaka. Tupakaga uswe ku bubombelo. Unko uswe twendege mu lugano, pankyeni pa Ugwe, amasiku gosa ga bumi bwitu. Kangi uswe twisakukutufyaga Ugwe panongwa ya iki, namanga uswe tukusuma ikyene mu Ngamu ya Yeso Kristi kangi panongwa Yake. Amenii.]

205 ["Kangi Kyala abasaye umwe. Kangi uswe tuli basangaluke ukuti twali na umwe. Ponia amaboko ga yumo nu mnine."—Nsimbi]

206 Naloliloli tukupalisya fyosa umwe mubombile kuli une, i kadi kangi. . . ? . . . Ena, nkulumba. Naloliloli ngupalisya. . . ? . . .

207 Popapo uswe tutumile ilibwe lya lwitiko. . . ? . . . Alipo unnyambala ukufuma ukusyungutula. . . ? . . . Popapo une ndumile ulwiputo ukunkonga umwene, mu Ngamu ya Yeso Kristi. Alambalele pala ku sala yimo, kisita kukung'usya kwa ndumbula, kisita butuyo, kisita nakimo. Kisita butuyo, kisita kukung'usya kwa ndumbula, pano ukutuya, kisita nakimo; ifisige fitugesya nkati mu ntu, agwile nkigemo. [Nkundwe Neville ikuyoba, "Umwene itolo andekile umwene alambalele pala mpaka ulwiputo lula lwalisile mula."—Nsimbi]

208 *Iki kikāli kigwike?* [Nkundwe Neville ikuyoba, "Ena, ikyene kikāli kikwaka."—Nsimbi]

209 Ngimba mbagile une ukuya nulutego lwinu? Kubutali mmwanya, unkeke umbangeli, undumbilili, pamwanya apa mu Indiana, alumbililaga, alinkugwila pasi ukufwa mu kigemo, itolo kifuki isala yimo iyi yikindile. Akabalilo kako umwene ikulumbilila, alinkugwila nkyeni, nukufwa nkigemo, umbangeli umfumuke, ikulumbilila pamwanya apa ku Indiana. U ntimi itolo isile kangi angōlile une. Umwene āfwile palapala bo ikulumbilila pasi pa kupaka kwa Mbepo, alinkugwila nkyeni, ifisige fyake filulele, ukutuya kwake kulinkundeke umwene. Umwene afumusigwe ukuya mfwe, alambalele mfwano kuli isala yimo. Kangi ikindukimo kyababulile abene ukukōléla i kipanga nukuti une nipute. Polelo une ndumile ulwiputo ukuntwala umwene agomokele, mu Ngamu ya Ntwa Yeso. Umwe muli lungisyaga na une nu lwitiko, ukuti ulwene lutikutukulaga, ukupupwa umwene nukungomokesya umwene. Ndaga umwe.

210 Kyala ayege na umwe, mpaka une ngubabonaga umwe Kitatu nkilo. Umwe bandu ukufuma ku Georgia nu kusyungutula, mwende-kanunu. Kyala ayege na numwe.

211 Nkundwe Pat...?... 

60-0515E Bufwikigwe #1  
Kitembe Kya Branham  
Jeffersonville, Indiana U.S.A.

KYANGONDE

©2024 VGR, ALL RIGHTS RESERVED

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Ukusasania isya kwegwelelakwegelela

Ukusoka isya kwegwelelakwegelela. Ubwabuke bosa bukanisigwe. Ilibuku ili libagile ukubindikisigwa mfikalatasi pa kompyuta ya kunyumba ukuti ufibombelege imbombo yuyugwe pamo ukubayabilako abangi, kisita kuhombigwa, fiyege fyombo fyakubombela imbombo pakusasania Inongwa inunu isya Yeso Kristi. Ilibuku ili likabagila ukuulisigwa, pamo ukubindigwa ukuti gayege mingimíngi, pamo ukusanusigwa pa webusaiti, pamo ukubikigwa mmakina agakusungasunga, pamo ukusanusigwa mu ndimi isingi, pamo ukulibombela imbombo iyakusyagilamo ihela kisita kwitikisigwa mwakalata unsimbigwe ugwa Voice Of God Recordings®.

Linga kulonda upilike inyingi pamo ifyombo ifingi ifi filipo ulisimbilaga ku:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

[www.branham.org](http://www.branham.org)